

金石萃編

金石萃編卷一百十八

賜進士出身 誥授光祿大夫刑部右侍郎加七級王昶撰

唐 七十八

萬壽寺記

石高二尺二寸八分廣一尺二寸八分十五行行二十九字正書在岐州

大唐萬壽寺記

刺史柳玭撰

漢長安城本秦離宮也高帝七年長樂宮成自櫟陽徙部之惠帝視其窄狹乃發長安六百里內男女十四萬六千人及諸侯王列侯徙隸二萬人城長安成賜民爵

戶一級長安城方三十里內地九百七十三頃八街九陌九市周回六十五里十二城門皆有侯蕭望之爲東門侯東有三門一宣平門外郭東都門一清明門外郭東平門一霸城門外郭青門霸城門外一里許有萬壽寺焉萬壽寺本梁太尉吳王蕭岑宅隋開皇四年文帝爲沙門曇延立爲延興寺東院菖公蕭琮之堂隋亡捨入寺 神龍中中宗爲永泰公主追福改爲永泰寺大中六年請改名僧寺五所化度寺改爲崇福寺永泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺而寺各異其類也然萬壽一寺

宣帝親幸賜額命官造理殿宇廊廡方丈山門共一百九十七間左右院林二所香地二頃六十餘畝石佛一尊娑羅樹六概勅度一百二十僧受牒免差入寺焚修祝延聖壽後淨資住持能守清規迥出於衆愼寺年久莫識其端請余爲記俾後人有所據云

景福元年八月一日

按記爲刺史柳玘撰新唐書柳玘傳玘仲郢第四子官至御史大夫昭宗欲倚以相中官譖玘煩碎非廊廟器乃止坐事貶瀘州刺史卒則其撰此碑距卒年不遠矣碑但署刺史而不言瀘州者何也

記云漢長安城本秦離宮也高帝七年長樂宮成  
自櫟陽徙都之漢書高帝紀七年二月至長安  
何治未央宮立東闕北闕前殿武庫大倉上自櫟  
陽徙都長安未央宮碑作長樂宮者本史記語也  
記又云惠帝視其窄狹發長安男女城長安云云  
語亦見漢書惠帝紀五年春正月復發長安六百  
里內男女十四萬五千人城長安三十日罷碑不  
肯三十日罷而以五千作六千則異也長安志秦  
孝公始都咸陽及并天下置內史以領關中項籍  
滅秦分其地爲三封章邯爲雍王都廢邱司馬欣

爲塞王都櫟陽董驎爲翟王都高奴高祖五年在  
洛陽從婁敬說始都之此語又與漢書小異又据  
西京雜記曰未央宮周匝二十二里九十五步街  
道周四十七里潘岳關中記未央宮周旋三十一  
里街道十七里諸說又與碑不同碑稱霸城門外  
一里許有萬壽寺檢陝西通志載此寺語與碑同  
而云寺有劉批撰記誤以柳玘作劉批也碑又云  
改僧寺名化度寺改崇福寺溫國寺改崇聖寺經  
行寺改龍興寺奉恩寺改興福寺今通志所載洪  
福寺舊在西關貞觀間太宗爲穆王后追福立爲

宏福寺神龍間改爲興福寺溫國寺在城南四十

里隋名實際寺開元十五年改爲溫國寺

不云改崇聖寺

頌政坊龍興寺貞觀五年太子承乾立

不云經寺改名

崇福寺在城東北五十里宣義里則天后建時

經多于寺

不云化度寺改

此所載不知卽碑所稱各寺否

也碑云萬壽一寺宣帝親幸賜額此宣帝謂宣宗

也

### 惲忠寺重藏舍利記

石橫廣四尺高二尺一分四十一行行二十一字至二十三字不等正書在順天府惲忠寺

### 重藏舍利記

口街內嚴遵論兼應 制大德沙門南叙述

僧知常書

茲舍利者昔隋文帝潛龍日有梵僧自印土至授舍利一瓶曰此釋迦佛遺形耳檀越可爲主洎登寶位年號開皇至廿年改仁壽至仁壽二年壬戌正月勅天下六州一百處口舍利塔時幽州節制竇抗創造五層大志塔飾以金碧屬舍利於其下至 大唐文宗皇帝大

和八年甲寅經二百卅三年天火焚塔迺後五六年門

武皇題口釋教至 宣宗初登寶位歲在丙寅

勅修廢藍將興畚口得石函於故基下時 旌麾綏



河公曉示人天

專

令供施遷藏於憫忠寺多寶塔下復

經冊三載中和口年歲在壬寅又值火災延憫忠寺樓  
臺俱燼旋遇 燕口陶汰空侶不暮年

隴西令公大王大庇生靈巨崇像設捨已祿俸造觀音  
閣橫壯妙麗逾於舊貫寺僧復嚴陳力化導塑觀音像  
當景福壬子年僉欲遷舍利於閣內乃陳辭上瀆

請發封壤

上許之卽是年六月徒侶雲萃各竭其

誠塵壇曜靈香全人手未淹食頃俄逢巨函縫印香泥  
記鐫貞石繇是撤其葢發其緘舍利光芒異香郁裂爲  
錄狀捧金函詣子東門上獻

旌幢中權後營皆

澡口沐心通霄瞻礼重脊餽施復還本寺顯示城隍道  
俗口黃金瓶如楚麥量內藏一粒仁壽舍利也二粒在  
塔口內又二粒在小金合子內又九十粒如銀粟狀在  
琉璃餅內玉環二髮七綜金銅棺槨異香釵訓等今又  
有二粒舍利光彩甚瑩在銀結條琉璃餅內卽故臨壇  
大德明鑒平昔隨身供養臨終授弟子猶忍今同收函  
內矧夫睚日久歿遺形尙留爲福人天堅固不壞幸遇  
王臣信重正法興隆同於寶坊載礼金骨而今  
而後何年更逢匪獨人心澆薄抑亦時侵末法重閱于  
此觀音象前谷變陵摧猶懸刊石記曰

大燕城內 地東南隅 有憫忠寺 門臨康衢 中  
有寶閣 橫雲業虛 閣有巨象 觀音聖軀 當象  
之前 絨于舍利 外石函封 內金函閉 填以異  
香 雜以环器 用記歲年 景福王子

葬舍利僧復嚴

景福元年十二月十八日記僧守因鐫

寺衆僧等

口口口清 念誦大德義氣 律大德公并 律大

德宏紹 僧宗楚 僧鴻微 僧行信 僧行約

僧口泰 僧元之 僧元爽 僧思賢 口口口

僧處資 僧公信 僧可誠 僧口口

上座僧般裕 都維那僧口誠

舍利塔一燔於大和八年一燼於中和二年至是僧復嚴葬舍利於憫忠寺觀音像前碑中所云隴西令公大王者李匡威也匡威欲遷舍利於閣內至拜疏於朝請發封壤詔可而後行當時崇重法寶如是石

文字

右唐景福元年僧復嚴葬舍利于憫忠寺是歲李克用王處存合兵攻王鎔李匡威救之有詔和解河東及鎮定幽四鎮碑稱欲遷舍利于閣內陳辭請發封

壤上許之蓋匡威方恃燕薊勁旅有雄天下意宜有  
請無不許者碑文侈陳發軔時舍利光芒異香郁烈  
外石函封內金函闕其崇奉像教至矣迨明年匡威  
復出師救銘其弟匡傳據軍府自稱畱後匡威進退  
無所之銘迎于鎮登城西大悲浮圖顧望流涕未幾  
以圖銘見殺今匡威所建之閣遺跡已不可問其碑  
僅存已踣佛脚傳工拽而出之搗以裁諸笥

曝書亭集

右碑題云唐重藏舍利記按此卽前會昌六年重藏  
之舍利而遷于閣內也閣舍利爲高僧茶毘後所遺  
光彩燦爛其質如石崇禎末先大夫覲阿育王舍利

其色微黃大如小豆客皆稱賀蓋舍利神異各隨其人之福量而爲之大小紅白無一定之形色先兄亦至阿育王寺觀舍利色微暈而卒于亂中先大夫年八十有六無病預知時至坐而遷化亦足見其神異

已

金石錄補

碑云隴西令公大王者朱錫也以爲李匡威以予攷之匡威之立在光啓二年八月歲在丙午而碑稱中和二年歲在壬寅值火災延憫忠寺樓臺俱燼又云不基年隴西令公大王舍俸造觀音閣則造閣之時匡威尙未建節所云令公者當是李可舉耳唐書藩

鎮傳載可舉所授官甚略其稱令公而封王爵史未  
之及也可舉以光啓元年乙巳被殺李全忠代之明  
年全忠卒子匡威爲畱後距壬寅已四年餘矣不當  
云未暮年也碑于大唐文宗及武皇及宣宗及上皆  
空二格其云旌麾清河公者張仲武也亦空二格書  
之獨于隴西令公跳行書之當時河朔之俗知有節  
使不知有天子久矣其云大燕者沿安史之僭稱也

潛研堂金  
石文跋尾

吳承泌墓誌

殘本石高廣行字皆  
不計行書在咸寧縣

大唐故內樞密使特進左領軍衛上將軍知內侍省事  
上國柱牒陽郡□□侯食邑一千戶食實封一百戶吳  
公墓誌

并序

翰林學士朝議郎守尚書司封郎中知制誥柱國  
賜紫金魚袋裴廷裕撰

翰林待詔朝散大夫檢校右散騎常侍守蜀□傳□  
御史大夫柱國賜紫金魚袋□□書

昔周文以聖德受命太伯以□仁□王錫封于吳因國  
□氏公□□泌字希白卽裔孫也曾祖□□贈金紫光  
祿大夫內給事祖德□□□□□□上將軍□□□



宣□□朝□□特異出則縮兵符而臨巨鎮入則□□  
□以□□□□宗皇帝將奉□丞□□公時  
爲弓箭庫使送□□□□□居□□□□□□□  
□□細之恃皆叅□□□金□贈朝散大夫內侍省內  
侍□公則□子之□□□王□□□天仙河中府軍車  
次河北傳檄諸道□□□之歲穎悟過人□始□經□  
□□成□□□□□足用□□□乃□於書淫百氏九隆  
□遇□□□破曹劉之堅□□光未仕流無不□博而  
又□高作賦納□□之□甚高名學□王右軍妙傳其  
法受□□處士□□其師□韓□府□擇賓□□□□

口庾元口之招殷浩口鎮西之辟袁宏千載論交一口  
口美乎口口口昇之口口

口口皇帝以鄒瑕

之封堯口遺利命口公以本官充解口口口口口口  
口如夏日洞察秋毫每口口嵩之口口口口之威潔  
白無玷課取有聞搜考句口口口黠史青口赤仄充於  
口衡以叨賜

口解口口口使口屬口河失守盜

賊驚奔口口口口口口金根去口口三口口公  
則以口口口中人口度清口穢口夜真風塵外物超  
庭口期口口國遂與易定節度使王處存同天子蒙塵  
之口責官司口口口口口口兵一万屯東渭橋口口

公奔赴

行口口奏奉

先口口其忠口錫口

金章依前充口縣推稅使口口口口榮書口口口口

口口伍口口公復歸

朝闕後改充南詔禮口副使

以口不行中和三年充許蔡通和口口口下濟之口口

優方口集事吹口之大正衆不克前院彬彬復章

綬尋口疑地未辨口証

朝廷口之口口金口

先帝幸口口口口搜訪口能召口口公充西口方口

口口口切口口夫樂林園之趣馬相如彈口之地揚執

戰草廛之事自有高情寧口口爵

帝口口口請便

充口川宣口使不口

闕者數歲

聖上虔

承大寶振起頽口墮口口口口口埋券加內寺  
伯判內侍省內給事綜領省務領袖廷臣張口則口博  
舊章黃瓊則練達故事加內侍充學士使口徐口口口  
口口口口口口口口通才光膺是口絲綸夜出  
得口講陳口鳥會口口不宴口改宣徽北院使守右監  
門衛將軍濮陽郡開國伯食邑七百戶口口口口口  
氏不口口口口口省口口地非所願也口讓者再三  
上許不奪素志方拜口口口口口二年改口  
樞密使加特進左領軍衛上將軍知內侍省事濮陽郡  
開國侯食邑一千戶食實封一百戶口口公素懷遠口

樞密使加特進左領軍衛上將軍知內侍省事濮陽郡  
開國侯食邑一千戶食實封一百戶口口公素懷遠口

常切致

君大用口辰納忠不一其他扼制口務口

精百司口口口書口口口口乾寧二年春正月二十日

薨于口水年四十五

君命也冬十月一日

上

示中書門口許口口公昭雪十一月二十日

于京北府萬口縣漕川鄉北姚村禮口長男修口次男

修皆南遷未復小男修口口口口公之季知象猶子如

已以書寓門口請銘于裴廷裕時爲口口口口口口

論思之地枚馬口草之司口口口公以精識

下

泗磬豐鍾

其聲不羣

鸞翎鳳翼

其口

口口

公之苦學

公之好文

果於盛日

口匡

明君

一言

闕百闕道

是忠骨

藏之下泉

口祐

家國

闕下

翰林待詔正口大夫檢校右散騎常侍

闕

御史大夫柱國賜紫金魚袋董瓌

按吳承泌是內官兩唐書無傳撰人裴廷裕僅見

全唐詩小傳云廷裕字膺餘昭宗時翰林學士左

散騎常侍後貶湖南卒而不詳其里貫其詩有蜀

中登第荅李搏云何勞問我成都事又高捲絳紗

楊氏宅自註云時主文寓楊子巷則是蜀人也其

歷官惟翰林學士與此誌結銜合餘俱互異也書

者不見其姓名寰宇訪碑錄謂是閩湘書當必有據也誌云遂與易定節度使王處存同天子蒙塵之口口兵一万屯東渭橋云云此是中和元年四月事舊書王處存傳涇原行軍唐宏夫敗賊將林言尙讓軍垂勝進偪京師處存自渭北親選驍卒五千皆以白繻爲號夜入京城卽其事也誌云後改充南詔禮口副使以口不行新書南詔傳中和元年遣使者來迎公主帝以方議車服爲解後二年又遣布燮楊奇肱來迎詔檢校國子祭酒張醮爲禮會五禮使徐雲虔副之亦卽此事也疑誌所

泐字乃禮會副使以疾不行因別遣徐雲虔也中  
和三年充許蔡通和口昭宗本紀是年十一月蔡  
賊秦宗權圍許州十二月詔河東李克用赴援時  
蔡州秦宗權許州周岌構兵故昭宗遣使通和也  
誌云葬于漣川鄉北姚村此古村名可補長安志  
所未備

賜錢鏐鐵券

鐫鐵嵌金文二十六行行  
十四字正書在臨海縣

維乾寧四年歲次丁巳八月甲辰朔四日丁未皇帝若  
曰咨爾鎮海鎮東等軍節度浙江東西等道觀察處置



營田招討等使兼兩浙鹽鐵制置發運等使開府儀同  
三司檢校太尉兼中書令使持節潤越等州諸軍事兼  
潤越等州刺史上柱國彭城郡王食邑五千戶食實封  
壹百戶錢鏐朕聞銘鄧鵠之勲言垂漢典載孔悝之德  
事美魯經則知褒德策勲古今一致頃者董昌僭偽爲  
昏鏡水狂謀惡貫滌染齊人而爾披攘兇渠盪定江表  
忠以衛社稷惠以福生靈其機也氛祲清其化也  
疲羸泰拯於粵於塗炭之上師無私焉保錢塘成金湯  
之固政有經矣志獎王室績冠侯藩溢於旂常流在丹  
素雖鍾繇刊五熟之釜實憲勒燕然之山未足顧功抑

有異數是用錫其金板申以誓詞長河有侶帶之期秦  
華有如拳之日維我念功之旨永將延祚子孫使卿長  
襲寵榮克保富貴卿恕九死子孫三死或犯常刑有司  
不得加責承我信誓往維欽哉宜付史館頒示天下

中書侍郎兼戶部尚書平章事

臣崔彥宣奉

### 附謝表

恩旨賜臣金書鎮券一道臣恕九死子孫三死者出  
于眷眷形此綸言錄臣以絲髮之勞錫臣以山河之  
誓鎬金作字指日成文震動神祇飛揚肝膽伏念臣  
爰從筮仕逮及秉麾每自揣量是何叨忝所以行如

履薄動若持盈惟憂福過禍生敢忘慎初護末豈期  
此志上感宸聰憂臣以處極多危慮臣以防微不至  
遂聞聖澤永保私門屈以常刑宥其必死雖君親屬  
念皆云必恕必容而臣子爲心豈敢傷慈傷愛謹當  
日慎一日戒子戒孫不敢因此而果恩不敢乘此而  
賈禍聖主萬歲愚臣一心臣鏐誠惶誠恐稽首頓首  
游按唐昭宗乾寧四年遣中使焦楚錙賜吳越武肅  
王鏐券以八月壬子至國是歲武肅始兼領鎮東節  
鉞出師大敗淮南兵十八營定婺睦蘇湖等州而鏐  
券適至蓋其國始盛時也及忠懿王入廟以其先王

所藏玉冊錢券置之祖廟不以自隨淳化元年杭州  
守臣以鐵券竹冊玉冊并詔誥等悉上之于朝時忠  
懿王已薨太宗皇帝復以冊券賜王之子安僖王惟  
潛安僖王薨券歸文僖公惟演文僖公薨券傳仲子  
朝州防禦使晦朝州侍仁宗皇帝燕閒帝問先世所  
賜錢券欲見之朝州并三朝御書以進帝爲親識御  
書之末復賜焉文僖之孫開府公景璘尙秦魯國大  
長公主游年十二三時嘗侍先太夫人得謁見大公  
主璽券實藏卧內狀如箚瓦今七十餘年乃得見錄  
本于武肅諸孫橐家後十字蓋文僖手書游家舊藏

文僖書帖亦有押字皆與此同武勝軍節度使印則

文僖尹洛時所領鄧州節鉞也

放翁文集

吾鄉錢叔琛氏贊乃武肅王之諸孫也其家在郡城外東北隅亭臺沼沚聯絡映帶猶是先朝賜第與余相友善嘗出示所藏錢券形宛如瓦高尺餘濶二尺許券詞黃金商嵌一角有斧痕蓋至元丙子天兵南下時其家人竊負以逃而死于難券亦莫知所在越再丙子漁者偶網得之乃在黃岩州南地名澤庫深水內漁意寶物試以斧擊之則錢焉因棄諸幽一邨學究與漁鄰頗聞賜券之說買以錢價然二人皆不

悟其字乃金也有報于叔琛之兄者用十斛穀易得青瑣復還誠爲異事時余就錄券詞一通叔琛又出武肅當日謝表稿併錄之昨晚檢閱經笥偶得于故紙中轉首已三十餘年矣人生能幾何哉漫志于此按史唐僖宗乾符五年王仙芝餘黨曹師雄寇掠二浙杭州募兵使石鏡都將董昌等以討之臨安人錢鏐以驍勇事昌爲兵馬使中和元年昌爲杭州刺史光啓二年昌謂鏐曰汝能取越州吾以杭投汝鏐攻克之昌遂徙越以鏐知杭州事三年昌爲越州觀察使鏐爲杭州刺史昭宗景福元年爲威勝軍防禦使

二年爲鎮海節度使乾寧二年昌僭號鏐遺書曰與其關門作天子與九族百姓俱陷塗炭豈若開門作節度使終身富貴邪昌不聽鏐以狀聞削奪昌官爵委鏐討之三年昌伏誅鏐令吏民上表請兼領浙東朝廷不得已以爲鎮海鎮東節度使改威勝曰鎮海天復二年進爵越王天祐元年更封吳王梁太祖開平九年以爲吳越王乾化二年加尙父末帝貞明二年以爲諸邑兵馬元帥二年以爲天下兵馬元帥龍德三年以爲吳越王鏐始建國儀衛名稱多如天子之制惟不改元置百官有丞相侍郎客省等使唐明

宗天成四年削鏐官爵初鏐官遣安重誨書詞禮甚  
倨及朝廷遣奉使烏昭遇韓玟使鏐還玟奏昭遇見  
鏐稱臣拜舞重誨奏賜昭遇死鏐以太師致仕自餘  
官爵皆削之長興二年鏐卒鏐寢疾出印綬授子元  
瓘曰子孫善事中國勿以易姓廢事大之禮卒年八  
十一史稱乾寧三年秋九月以鏐爲鎮海鎮東節度  
使而券詞乃四年秋八月何邪史稱儀衛名稱如天  
子之制惟不改元程大昌演繁露云寶正六年歲在  
辛卯見封落星石制書辛卯乃唐明宗長興二年寶  
大元年羅隱新城縣記云癸未歲癸未乃唐莊宗同



光元年以此知吳越雖稟中原正朔既長興同光年號與其寶正寶大同歲而名不同知吳越自嘗改元審矣又僧文瑩湘山野錄云唐昭宗以錢武肅王平董昌拜爲鎮海鎮東節度使中書令賜鐵券羅隱爲誤謝表迨莊宗入洛又遣使貢奉懇請玉冊金券有司定議非天子不得用後竟賜之鏐卽以節鉞授其子元瓘自稱吳越國王名其居曰殿官屬悉稱臣又于衣錦軍大建玉冊金券詔書三樓遣使冊東夷諸國封拜其君長幾極其勢與向之謝表所陳處極防微累恩賈禍之誠殊相戾矣禪月贊休嘗以詩投之

有滿堂花醉三千客一劍霜寒十四州之句鏤爰其  
詩遣客吏詢之曰教和尚改十四爲四十方與見休  
性福介謂吏曰州亦難添詩亦不改然閑雲野雀何  
天而不飛邪遂飄然入蜀鏐後果爲安重誨奏削王  
爵以太師致仕重誨死明宗乃復鏐爵位錢受徽異  
越備史鐵券考鐵券之制其形如瓦方廣約一尺五  
寸許蓋鎔鐵而成又鑲金其上者也唐昭宗乾寧四  
年八月遣使焦楚鎡賣券以賜彭城郡王鏐券文三  
百三十三字晶光閃爍天語溫純積而藏之家厝久  
矣宋太宗淳化元年杭州守臣以前券及竹冊玉冊

各三副詔詰百餘函進呈詔賜還忠懿王嗣子惟濟收貯比仁宗登極朔州防禦使晦侍燕閒及鐵券進呈錄本及先朝御書元豐四年特令朝奉大夫權知開封府事藻進呈鐵券仍降付本家永傳後裔宋末元兵破台城沉之深水中者五十六年至順二年漁人獲而售之宗人世珪家國朝洪武二年太祖大封功臣下禮官議鐵券制學士危素奏唐和陵時賜武肅鐵券見在上遣使卽家訪焉世珪子尙德奉詔參及五王遺像以進上御外朝與宣國公李善長等觀之賜宴中書省命鑲本爲式給還券像二十一年孫

克邦以大臣薦赴國吏部引見因以錢氏納土至今  
子孫尙存論北方歸降者已見東宮殿下亦問到今  
幾代除授江西建昌府知府二十三年卒于官都察  
院查勘任內稅糧鈔到京子汝賢供係吳越王嫡  
派有鐵券爲照本院官引見蒙聖旨着孩子孫前來  
進於奉天殿丹陛前欽奉玉音云五代時天下大亂  
各據偏方爾祖能使兩浙之民不識兵革到宋朝來  
知道宋太祖是箇真主便將土地歸附券與你保守  
田產家財都給還一時縉紳士夫爭爲詩文贈送歸  
台州卽今藏於宗子鳳墀家雖券文稍有剝落而千

百年故物世守弗墜云

陶宗儀  
輟耕錄

吳越武肅王錢鏐唐昭宗乾寧四年賜鐵券其事史  
載頗詳宋末兵亂券沒水凡五十六年爲漁者所獲  
其十四世孫世珪始購得之時元至順二年推券之  
失當是景炎元年也明洪武二年上將封勳夢之臣  
遣使者訪其家尙德負券及五王像來詣闕下上特  
御朝與羣臣共觀命工仿其制不盡肖上乃還券禮  
遣東歸其後台州亂其二十五世孫珍負積匿山中  
乃免辛卯四月予遊台州與顧子赤方得其觀券券  
字金色爛然因沒水久後半多剝蝕獨首行朔字爲

明高皇帝引佩刀剔去以觀刻畫之深淺者世守垂  
八百年失而復得豈非鬼神護持之力哉

陶穀鐵券詩序

謹按鐵券之制其形如瓦長一尺八寸三分濶一尺  
一寸厚一分五釐重一百三十二兩文三百三十三  
字其畫皆外狹中寬晶光閃鑲詞語溫純忠懿王入  
朝詔賜藏之汴京昭化坊賜第神宗時駙馬都尉景  
尙主宗器屬焉券遂安于都尉之第靖康元年金人  
入寇詔公主子榮國公忱奉母出居于江南以券行  
因避地湖湘間紹興元年遷台高宗遂卽台城崇和  
門內賜公主第由是券世藏於台之美德坊德祐二

年丙子元兵南下破台時其家人竊負以逃莫知所  
在迨至順二年辛未漁者偶網得之宗子叔琛之兄  
世珪用十斛穀易得之明太祖洪武二年其十五世  
孫尙德字允一號存齋天台人元末官青田教諭實  
寶藏之尙德者卽世珪子也奉詔以進陛辭日命還  
券像劉基宋濂王禕等咸贈以詩永樂五年正月差  
行人曹閏馳驛至台十七世孫廣西叅政汝性同行  
人奉券進呈覽畢以禮敦遣藏于宗子鳳墀家前後  
數百年中其間或顯或晦皆若先靈式憑台郡邑志  
俱以是券爲古蹟召南少時卽嘗觀表忠諸畧知始

末今幸恭逢

聖駕南巡其裔孫嘉禾尚書陳羣率台族子選等進呈  
御製歌詩垂訓萬古是券遭遇夫豈鼎彝敦由徒以世  
遠得名者所可比並也哉

齊召南  
鐵券文

唐昭宗賜吳越王錢鏐鐵券計三百三十二字字畫  
全者一百四十七第十四行社稷自起一行書之第  
十九行未足顧功諸書皆作顯功此字尚宜審也鏐  
景福二年拜潤州刺史故云潤越等州十國春秋較  
耕錄諸書作閩越者誤也陶宗儀又謂鏐拜鎮海鎮  
東節度使在乾寧三年九月而以券詞四年八月爲



疑然鏐拜爵後至次年始賜券自是兩事無足疑者  
鏐之稱天寶元年在唐天祐五年戊辰而較耕錄亦  
未之詳考也

翁方綱跋

舊唐書昭宗紀乾寧四年九月癸酉制以鎮海軍  
節度使錢鏐爲鎮海軍節度浙江東西道觀察處置  
等使杭州越州刺史上柱國吳王攷其時鏐實兼鎮  
海鎮東兩鎮而紀祇書鎮海軍所領者潤州刺史而  
紀書杭州皆其脫誤

潛研堂金石文跋尾

王審知德政碑

碑高一丈六尺九寸廣七尺三十  
三行行八十一字正書在閩縣

大唐威武軍節度福建管内觀察處置三司發運等使  
特進揀校太保同中書門下平章事使持節都督福州  
諸軍事兼福州刺史上柱國瑯琊郡王食邑口口戶食  
實封壹伯戶王審知

德政碑銘

并序

銀青光祿大夫行尙書禮部侍郎上柱國臣于兢奉

勅撰

粵自範金合土之制雲師火紀之名禹別九州堯咨四  
岳莫不束求良輔懷濟兆人彰克勒克儉之能垂可久  
可大之業嗣太叔寬猛之政循仲尼富庶之言旣茂勲

勞宜標篆刻公名審知姓王氏瑯琊人也其胙土命氏  
疏源演派代濟其美史不絕書後以大祖就祿光州因  
家于是郡焉會 祖友 贈光祿卿王父蘊玉 贈秘書  
少監父恁 贈光州刺史繼贈太尉公卽太尉之季子  
也初公兄潮志尙謙恭譽滿鄉曲善於和衆士多歸之  
福建節度使陳巖旣薨其名又以所屬泉州求牧乃遣  
禮而請之及到任頗著嘉聲後巖在軍病甚不能視事  
軍士等懼無統御皆願有所依從衆牧遂以郡委於仲  
弟審邽而與公皆赴至則積惡者屏去爲善者獲安因  
詔授節度使累加檢校右僕射於是刻其訛弊整其

章係三軍無譁萬姓有奉乾寧三年僕射遭疾且付公  
以戎旅仍具表

奏尋加刑部尚書威武軍節度使公器局端雅  
識理融明稟嵩嶠之真精得圮橋之妙略及膺

帝命寵陟齋壇細柳連營旌旗動色蒲盧莅政草樹逢  
春一年而足食足兵再歲而知禮知義方隅之內仰止

攸同義以運屬艱虞人懼昏墊農夫釋耒工女下機公

既統藩垣勵精爲理強者抑而弱者撫老者安而少者  
懷使之以時齊之以禮故得汚萊盡闢雞犬相聞時和  
年豐家給人足版圖既倍井賦孔殷處以由庚取之盡

徹夫述職之道宜貢爲先九丘爰序於厥苞伍伯是徵  
於縮酒雖旬服之近江漢之中或遇阻艱亦絕輸賦唯  
公益堅尊獎慎守規程松栢後凋風雨如晦地征旁午  
天庫充盈其仰勤劬咸知圭戴常以學校之設是爲教  
化之源乃令誘掖童蒙興行敬讓幼已佩於師訓長皆  
實於國庠俊造相望廉秀特盛閩川以南地惟設險人  
尙爭雄或因饑饉荐臻或以剌剌爲苦藉蒲易聚巢穴  
難探公感之以恩綬之以德且曰吏實爲虐爾復何辜  
示以寬仁俾之柔服遂數十年之氛祲遽致廓清一千  
里之封疆旋觀昭泰張網以

軍車

入學虞詡用絳纓擒

奸以古况今彼猶懷愧爰自天寶艱難之後經費寔繁  
聚斂之臣名額滋廣卽山鳩利任土庀財咸設隄防頗  
聞賄賂泊輶輝遂仍患崎嶇三司之職務空存四海之  
輪蹄鮮至公按其程課令以權衡盡叶舊規尤彰宏業  
而又奉大雄之教崇上善之因象法重興道師如在虹  
梁雕棋重新忉利之宮鈿軸牙籤更演毗尼之藏而又  
盛興寶塔多捨淨財日麗飛甍霞攢綵檻頽豔迴向遠  
還歸依用俾群緣皆同妙果佛齊國雖同臨照靡襲冠  
裳舟車罕通縣賈國者亦踰海海來集鴻臚此乃  
公示以中孚致其內附雖云異類亦慕華風宛土

龍媒寧獨稱於往史條支雀卵諒可繼於前聞自燎熾

西秦煙飛東觀魯壁之遺編莫

棟周

陵之墜簡寧存丞

命訪尋精於繕寫遠貢劉歆之閣不假陳農之求次第

鏡題森羅卷軸夫四隣其守葢當偃革之期七德方修

必假禦衝之備是以恢張制度固護<sub>去聲</sub>屬程功而莫匪

子來作事而適當農

陳立崇

墉之百雉表巨屏於一方

巖<sub>邑</sub>

湯池曾何足數折筯繫帶固不可憑未若暫勞致

茲永逸兵戈荐起帑庾多虛凡列土壘悉重征稅商旅

以之而壅滯工賈以之而殫貧公則盡去繁苛縱其交

易開謾郵市

匪絕

往來衡麓

舟

數皆除守禦故得填郊

溢郭擊轂摩肩竟敦廉讓之風驟觀樂康之俗閩越之  
境江海通津帆檣蕩漾以隨波篙楫崩騰而激水途經  
巨浸山号黃崎怪石驚濤覆舟害物公乃具馨香黍稷  
薦祝神祇有威必通其應如響祭罷一夕震雷暴雨若  
有冥助達旦則移其艱險別注平流雖鸞鷁爭馳而長  
鯨弭浪遠近聞而異之

優詔獎飾仍以公之德

化所及賜名其水爲甘棠港神曰顯靈侯與夫召神人

以鞭石驅力士以鑿山不同年而語矣於戲辨貞金於  
大冶認勁草於疾風不有良田誰康澤國尋就加平章  
事檢校右僕射如故壽懋相印手握兵符益壯軍聲亦



新

殊渥又改光祿大夫檢校司空轉特進檢校司徒然而物議與詞功厚賞薄以爲爵祿未稱疇庸於是異姓分封仍加井邑轉檢校太保瑯琊郡王食邑四千戶食實封壹伯戶公之仲兄睿邦自守泉郡一紀于茲黠馬皆調疲人盡泰公性惟雅睡氣稟溫和平韻契墳

修政待魯衛可謂高明輝映超絕一時者也公以

天

下兵

馬元帥太尉中書令梁王勳格穹昊德服華

夷奉大國之歡盟爲列藩之表率今節度都押衙程贊及軍州將吏百姓耆老等久懷化育願紀功庸列狀

上聞請議刊勒

元帥梁王以公如河誓著

口石情堅累貢表章顯陳保

誥

朝廷冀慰誘勸

特示褒揚將建龜趺合徵鴻藻筑謬居清列曾乏雄文  
頃歲嘗詠皇華往宣宸旨已於視聽親飲微猷

今之執簡濡毫得以研精覃思備陳懿績實無愧詞乃  
作銘曰

日月麗天 舟楫濟川 內外克乂 股肱惟賢 淮

水長清 緱嶺方寧 慶隨祚遠 材爲時生 伯氏

雄特 泉人仰德 求瘼斯勤 頒條有則 冠軍被

疾 付以師律 政教翕張 士庶寧謐 懿彼閩越

師實英傑 地列周封 心馳魏闕 聖澤汪洋

元戎啓行 有典有則 爲龍爲光 高懸秦鏡

理道自靜 比屋懷仁 連營稟令 航海梯山 貢

奉循環 務其輸委 無憚險艱 周征之術 公田

什一 約以有程 守而勿失 輕徭薄賦 謳歌載

路 高掩龔黃 遐追邵杜 鄉校皆遊 童叟來求

雅道靡靡 儒風優優 惟虺吹毒 久依山谷

閭閻陸梁 竟欣柔服 法竇荒宇 勝因所主 崇

構斯精 福慶攸聚 佛齊之國 綏之以德 架浪

自東 驟山拱北 墜簡遺編 繕寫精研 麟臺盛

口 武觀森然 耆舊其勤 雉堞連雲 永制不敵

用壯我軍 關譏不稅 水陸無滯 遐邇懷來

商旅相繼 黃崎之勞 神改舊跡 役屢厥力 保

千萬艘 劉驥荀龍 填虜雍雍 惟邦惟翰 以侯

以公 元帥梁王 武步龍驤 挺彼七德 削平四

方 公能事大 推心斯在 風雨無險 歲寒不改

殊勲茂績 盡瘁宣力 國之丹青 邦之柱石

位冠台鼎 任隆兵柄 重以徽章 寵分異姓 優

詔銘功 万古英風 貞退是勒 垂之無窮

天祐三年丙寅歲閏十二月一日准 勅建

將任郎前守京兆府鄠縣尉直學文館王側書口口

按碑有缺字吳任臣十國春秋載此文今據以增  
注撰文者于兢書者王偁皆無攷碑云公名審知  
姓王氏瑯琊人也後以大祖就祿光州因家于是  
郡焉兩五代史皆云王審知字信通光州固始人  
十國春秋云五代祖暉爲固始令民愛其仁畱之  
因家焉然則碑云大祖者卽五代祖暉也碑云兄  
潮士多歸之福建節度使陳巖請牧泉州巖病軍  
士無統御泉牧遂以郡委于仲弟審邽而與公皆  
赴云云歐五代史王審知傳稱唐末羣盜起壽州  
人王緒攻陷固始緒聞潮見弟材勇召置軍中以

潮爲軍校

薛史云時潮爲縣佐緒署爲軍政

是時蔡州秦宗權募

士益兵以緒爲光州刺史召其兵會擊黃巢緒遲

留不行宗權發兵攻緒緒率衆南奔自南康入臨

汀陷漳浦緒性猜忌潮頗自懼說其前鋒將擒緒

推潮爲主

薛史云緒衆求帥乃刑牲歃血爲盟植劍躍于地衆以爲神

神異卽奉潮爲帥時泉州刺史廖彥若貪暴潮略

地至其境耆老留之潮圍彥若逾年克之光啓二

年福建觀察使陳巖表潮泉州刺史景福元年巖

卒

薛史作大順中巖卒

其壻范暉自稱留後潮遣審知攻暉

破之唐卽以潮爲福建觀察使以審知爲副使十

國春秋云王緒取光州時潮爲縣佐史與弟審邽  
審知以材氣知名邑人號曰三龍緒署潮爲軍正  
主廩庾緒南奔陷漳浦初以糧少故兼道馳約軍  
中曰以老孺從者斬潮與二弟時奉母行緒切責  
潮欲斬其母潮等請先母死會諸將士皆爲請遂  
舍之有術士望軍氣言軍中當有暴興者緒益猜  
忌前鋒將擒緒推潮爲主潮乃除地剗劍祝曰拜  
而劍三動者我爲主至審知劍躍于地衆以爲  
神皆拜之審知讓潮自爲副餘與兩此審知與兄  
入閩之緣起也碑云乾寧三年僕射遵疾付公以

戎旅仍具表奏尋加刑部尙書云云僕射者潮也  
十國春秋從通鑑作四年冬潮有疾十二月丁未  
潮薨與碑差一年十國春秋又云天祐元年夏四  
月唐遣右拾遺翁承贊加審知檢校太保封瑯邪  
王食邑四千戶食實封一百戶

碑載此語  
無年月

又云是

歲建報恩定光多寶塔于福州天祐二年夏四月  
王藏佛經于壽山凡五百四十一函總五千四十  
八卷三年七月鑄金銅佛像高丈有六尺鑄菩薩  
像二高丈有三尺卽碑所云奉大雄之教崇上善  
之因虹梁雕棋重新初利之宮細軸牙籤更演毗



尼之藏盛興寶塔多捨淨財日麗飛甍霞攢彩檻  
者是也又云海上黃崎波濤爲阻審知禱于海神

一夕風雨雷震擊開爲港封其神曰靈顯侯

原注一作

顯應侯碑載此事大略相同惟靈顯侯作顯靈侯爲

異十國春秋又云天祐二年築南北夾城謂之南  
北月城合大城而爲三周二十六里四千八百丈  
卽碑所云恢張制度固護基廟立崇墉之百雉表  
巨屏于一方者是也十國春秋又云是時命管內  
軍州搜寫遺書以上卽碑云亟命訪尋精于繕寫  
遠貢劉歆之圖不假陳農之求次第籤題森羅卷

軸者是也十國春秋又云佛齊諸國來賓卽碑云  
佛齊國舟車罕通賧費罔獻亦踰滄海來集鴻臚  
者是也佛齊卽三佛齊兩唐書及兩五代史皆不  
載惟宋史云三佛齊南蠻別種與占城爲鄰其王  
號屠卑人多蒲姓可知在唐時未通職貢王審知  
又係僭僞之國故其來賓不列史傳也十國春秋  
又云唐以梁王全忠奏賜王建祠福州勒功於石  
卽謂此碑也梁王全忠卽碑所謂天下兵馬元帥  
太尉中書梁王是時昭宗遇弒哀帝嗣位本紀書  
天祐三年閏十二月己酉朔福建百姓僧道詣闕

請爲節度使王審知立德政碑從之是時朝廷命  
令多出梁王秉筆者尙存大體故本紀特書哀宗  
之從碑文特書梁王之請其實皆具文也然玩碑  
文但頌功德不及祠祀之事則十國春秋所謂建  
祠福州者又不知何所本也碑文書檢校太保標  
題作揀校他碑未見撰人于兢稱臣書者王侁不  
稱臣蓋書非奉勅也

尔朱逵墓碣

碣高廣俱一尺七寸五分二十五  
行行二十四字正書在句陽縣

唐故銀青光祿大夫檢校太子賓客兼監察御史柱國

河南朱府君墓碣并銘

廣平程彥矩撰

府君其先河南郡人也曾祖祐任主客郎中祖澤同州韓城令厥考弁歷左金吾引駕仗押衙銀青光祿大夫檢校太子賓客俱積德行黃綠車服府君諱達字

正道少儻有氣不謹小節雖家藏巨萬視之蔑然輕玉帛若糞土重然諾不顧千金議者曰斯亦豪傑人耳初職繫懷州軍事押衙後改授山南東道節度散兵馬使始銀青光祿大夫檢校太子賓客兼監察御史由山南授東都留守押衙其階與檢校官口監察仍舊勲加

柱國以

府君之用心磊落蔚有才智觀其口必可

捍難口敵揣其義必可赴湯蹈火則其位殆不稱口口

口口然口口口度有規將擢第清宮豈止於橫楣宏壯

費棟膠口口口口云口口結峻宇以踈氣鑿巨沼

以緒流口樹森羅口口口口郡內口絕岡有口比世

居馮翊慈親在焉

口口口口口遙不克迎養同

氣八人更迭定省悉著行口口口十四口口口公事開

連計司輓運之勞咸稱幹鹽每休口口口口屬口口口

間有愛睦如也里巷益多

府君之口口以仰止口

口口口未嘗不應人由是歸嗟乎未及下壽以其年五

月六日□□□卒于江陵府無竟里私第享年卅有九  
娶河南□□□男一人春郎六歲歲女相相六歲歲  
用當年十一月□□□叶歸葬同州澄城縣武安鄉  
永平營親第遷□□□□特以哀命見請銘于貞石  
文曰

彼蒼者天禍福茫然欲問其緣杳漠無言俄□□□  
有後先積善何爲報應元元孰云有後□□□□  
慶迅在口他年

府君名遼字正道云云號年殘泐不可得朱家河本  
名大谷河世傳爾朱之後改爲朱氏居于河濱因建

遼廟砌此碣于廟內近世陝人某作彼縣志卽以此

爲廟碑誤矣

關中金  
石記

右介朱遼墓碣廣平程彥矩撰攷其歷官始爲懷州  
軍事押衙改授山南東道節度散兵馬使改東都監  
守押衙洪容齋續筆云唐自肅代以後賞人以官爵  
久而浸濫下至州郡胥吏軍班校伍一命便帶銀青  
光祿大夫階殆與無官者等明宗長興二年詔不得  
薦銀青階爲州縣官賤之至矣此介朱遼正以軍校  
而帶銀青階者也遼卒於江陵府無竟里私第竟卽  
號字  
歸葬同州澄城縣武安鄉碣已損一角有年月而不

得其紀年大約在中葉以後矣江寧嚴侍讀道甫遊  
秦中揭以見貽云石在邵陽縣西卅里朱家河自來  
收金石家所未見也

潛研堂金石文跋尾

### 真空塔銘殘石

石後殘缺僅存前六行高一尺五寸廣五寸五分每行十七字正書

唐崇業寺故大德禪師尼真空塔銘

并序

禪師諱真空俗姓申氏馮翊郡朝邑人也植性明悟天  
姿卓越六度口口稟自齡年口戒深仁行詣早歲旣而  
口口宿善童子出家訪道口口与波口而無異練心  
大德禪師碑額



額高一尺五寸九分廣一尺二寸五分  
九字作三行正書在咸寧縣萬福寺

皇唐三階大德禪師碑

此不知何碑之額今存寺中碑猶存半截却無一字

可見

圓中金  
石記

長樂鏡銘

徑七寸八分銘  
三十三字篆書

連記鉤羊清而即以土為親因立文章

延年益壽去而羊興无屯而日月出

光尾常

陳拾銅華清而明以之為鏡因宜文章延年益壽去不

羊與天无極而日月之光長樂

水星鏡銘

徑九寸五分銘  
二十字篆書

永保命水銀星陰精百鍊得爲鏡八卦壽象備衛神  
素家胸律神

永保命水銀星陰精百鍊得爲鏡八卦壽象備衛神  
水光鏡銘

徑六寸五分銘  
二十字正書

玉匣邪開蓋輕灰拭夜塵光如一片水影照兩邊人  
寫衣鏡銘

徑六寸銘三

十一字正書

絕照覽心圓運屬面藏黃匣口口掩掛玉臺而影見鑒  
羅綺于後庭寫衣簪乎前口

元卿鏡銘

徑三寸八分銘二十  
六字篆書藏余家

日初升月初盈纖翳不升未月絳絳形是

攬圖南南有精靈

日初升月初盈纖翳不升未月絳絳形是日樓寧望乎太

清元卿

青鸞鏡銘

徑三寸八分銘二十  
八字正書歲餘來

月樣團圓水樣清好將香閣伴閑身青鸞不用羞孤影  
開匣當如見故人

按山左金石志跋此銘調首句清字與身人同韻  
補段若膺四聲音均表所未備然七言律絕起句  
晚唐五代多有借韻者且真文庚青自古間有通  
用顧氏寧人毛氏大可於唐韻正及古今通韻史  
已詳載之不足異也

金石萃編卷一百十九

勳進士出身 誥授光祿大夫刑部右侍郎加七級王昶誤

五代一 梁

匡國節度使馮行襲德政碑

碑甚殘缺高廣俱無攷其前文失下截僅存二十七行行止四十六字後文失上截僅存三十行行約五十六字正書在許州

口林學士奉 口口口工部侍郎口 制下

上缺字不可 九五山川口口口之口口口口風水 下

紀後仿此 聖口神武雪五老口星口口負鼎之 缺

字不可紀 後仿此 懿口口口口口耿賈政邁黃韓口若匡國口口度陳許

五代一

汝口口州

缺

食菜口口口口氏雖系出長樂口家遷

口當世緒紛綸口口飛口相

缺

而平口口正色以威

嚴先郎口應於口口媛口口猛獸口口口口

口口口口口口石羽林

缺

江漢氣貫斗牛騰凌

追千里之蹤嘯傲負四方之心口口口口口口

口口口口翁知功名

缺

吐口口口口有孫喜者聚徒數

千人口口莫遏將口口口口口口口口大驚怖無

可奈何公乃白

缺

於南口口口軍吏迎謁公在側擊

之口口口口口口口口口口之盡口口口

兵口口口口臣

缺

成秦山

口口崢嶸嶺口口口臨

□□□□□□□□□□難前孝子迎□而□進

缺郡以□□□□□□□□□□□□□□□□列

□□者缺閑閑歲收租□□□□□□□□□□倍

兵強食□□□□□□□□□□□□□□□□

□□□□才誓缺鼓旗之令南山霧□□觀豹□之文

西陸□清始見鷹揚之行缺又二洛邑古偃四戰之地今

□□□□□□粵自艱難久罹瘡痍□□無□□□□□

□□□□□冠愴□去缺者雖大必去便於□者雖□

□作膏□□□□□政□要□□□□□□□□□□

□□□□□□□□□其律缺觀焉先是□捐□張

口口虐口口口口口口口二万衆口口口

叛郡邑常

虞其蹂躪□□□□□□密連□□□□□□

口口口口口口口口大兵誠其壘訓盡伏其神明口

其情偽

口口口口量因欺於圭口口薪菊韓浩屯口之口

矧口腴盡在梗槩口口口未口口匪遠口口口

口口口口口口口口口口王乃口口而餽而口許口口

獨口若還俾之地口乃口口口口謀民口口口口口口

□□□□□□□□□□  
之○夜以○馳○第○



母疾病制股奉養□□痛願□□□□

問俗觀風阜財述職焉可得稱□□□□□□□□

上卦  
前  
文以

缺  
杭  
稻

上口口許名區易訪

景何□□□□□□□□□□

口口口口口口口口口口襟帶口郊輔

之來時不有更張何期俾父□□賢□□□□□

□□公□□□節度□□□□□□□□□□  
□□□□□□本尋源提綱振領害於缺食者民之命  
也不可以不勤其□□稽兵者□□器也□□以□肅其  
號令□□□□□□□□□□□□□□□□  
刑□□吾□之矣爾第缺慄者歡悅□□頽悟剛斷□  
□□者又□□□素□□命□□□冬聚舊□□□  
□□□□□□□□□□□□□□□□□□  
而復缺艱□□□□□之威莫遂去□□之患□□□  
倦藹折咸歸□□民寬□□□□□□□□□□  
夜□□□□□□□□□□□□□□□□□  
恤惟刑缺麻麥之宜

治彼□□□□推□□堤之□□慙功自□□□  
□□□□□□仰稽前□□瞰遺蹤□□祖□□  
之謀味<sup>缺</sup>果應於牧人帶穗□□□□□□寡婦□年  
內□□□四千三百□□□□□□□□□□□□  
□□□□奏□連□□□□□□□□地而<sup>缺</sup>咸知日物之  
方向者公□□□□軍衙□□□□再□□□□□規模  
廳□□□□門□□□□□□□□□□□□雄廣厦聳  
□□□□□□色路<sup>缺</sup>類忽有烏鵲羣萃啄食無□□  
□□□□□□東□□□孤勤瘁南□□□□□吞  
嶼□□□□□□□□□□□□□□□□□□□

縣百 缺 年 口 縣 麥 秀 兩 岐 口 口 口 口 口 口 口 口 長

社 縣 口 口 一 莖 四 穗 口 口 口 口 不 口 口 口 口 口 口

口 口 口 口 口 之 口 蹈 口 口 仁 口 口 不 足 舍 缺 鉤 距 運 籌

史 口 口 口 口 口 口 口 平 仗 鉞 稜 威 謝 口 口 口 口 方 口 口

口 口

注 書 揮 口 口 立 視 飛 缺 飯 帳 下 之 犀 渠 口 口 皆 咸 吮 癰

樓 中 之 口 首 蛾 眉 口 口 口 口 閨 口 口 口 口 組 口 譚 董 口

口 口 口 口 煙 口 口 之 口 口 常 口 口 口 口 口 口 偃 草 功 著 分

缺

缺 高 飛 將 口 口 洞 窟 妹 榦 口 口 章 刃 口 口 口

口 鍵入仕 勇敢万口 口口口口 口口當路 口

口 風生 桓桓席口 智口口強 缺 送昏拯 劍斬

頑 帝念馮公 忠口口口 朝稱口口 左提右

口 口口口口 口口瑞節 望塵肯悅 公至若何

缺 類赤肩 口同白額 乃芟乃夷 乃梟乃磔

外戶不口 下民口口 口口口口 口食爲天 口

誠喜口 口口口田 耒耜接肘 缺 保豐穰 取之

盡徹 巨害旣去 纖惡皆除 頒宣口口 慎恤刑

書 口口口口 罔圖常虛 口倨薄口 政叶口虛

老口口懷 缺 口交映 朱扉洞開 口優馬口

口燕臺 惠洽口里 口飛九陔 口口口口 和氣

充塞 麥秀兩歧 禽吞口勝 口口口口 缺人頽

德

缺 八月甲午朔十八日辛亥建

朝議大夫前光祿口卿上柱國李寧懿書

將仕郎守 缺

碑字摩滅可辨者云有孫喜者聚徒數千又云軍吏  
迎謁公在側擊之其事具薛居正五代史列傳云僖  
宗在蜀有賊首孫喜者聚徒數千人欲入武當刺史  
呂晁惶駭無策畧行襲伏勇士于江南乘小舟送喜

謂喜曰郡人得良牧衆心歸矣但緣兵民多懼撈略  
若駐軍江北領肘掖以赴之某前導以慰安士民可  
立定也喜然之既渡江軍吏迎謁伏甲奮起行襲擊  
喜仆地仗劍斬之卽其事也又云忽有烏鵲羣萃啄  
食無口又云年口縣麥秀兩岐薛史云境內有大蝗  
尋有羣鳥啄食不爲害民或艱食必有稻穀出于隴  
畝亦其事也撰碑人殘缺惟前一行存翰林學士奉  
數字薛史云遷匡國軍節度使在許三年上供外別  
追助軍羨糧二十萬石及太祖郊禋行襲請入覲貢  
獻巨萬恩詔殊厚尋詔翰林學士杜曉撰德政碑以

金華縣志卷之六  
六  
賜之則此正其德政碑曉所撰也碑應建于天祐中  
今僅存八月甲午朔十八日辛亥建云云而已舊惟  
見篆額在州治前民舍中人稱長樂王德政碑頭屬  
知州李君煒掘土出因移置學宮

中州金石記

碑殘剝前列翰林學士奉旨及工部侍郎案翰林學  
士者卽杜曉也歐史梁紀開平三年春正月辛卯有  
事於南郊後書九月翰林學士充承旨工部侍郎杜  
曉同中書門下平章事据是則碑之賜立有工部侍  
郎字必當正月後及曉九月前未轉戶部時矣傳紀  
並言承旨碑作奉旨以避梁祖嫌名故也又題朝議



大夫前光祿口卿上柱國

缺

李宏懿書體勢規步率

更深入其奧然當時不聞以書名何哉行襲傅薛史

云武當人歐史云均州人証之碑所書家遷武當世

緒紛綸是薛史据其遷時占籍言之而唐書僖宗紀

光啓元年四月武當賊馮行襲陷均州逐其刺史呂

煜並與碑稱武當合矣然則歐史爲非實也

長堂金石跋

### 鎮東軍牆隍廟記

碑連額高六尺一寸廣三尺九寸二分共大小字二十五行大字行十九字小字前十行行三十八字後八行行四十字正書

在紹興府臥龍山

重修牆隍神廟兼奏進封崇福侯配

若夫冥陽其理之規人神相贊之道傳於史冊今昔同  
符切以浙東地号輿區古之越國當舟車輻湊之會是  
江湖衝要之津自隋末移築子牆口遷公署據卧龍之  
高昇雉堞穹崇對鏡水之清波風煙爽朗緬惟深固宜  
叶冥扶

故唐右衛將軍惣管隴公諱玉頃握  
圭符首臨戎政披榛建府吐哺綏民仁施則冬日均和  
威肅則秋霜布令屬藩愛戴庶訥譟等而罷市興嗟  
餘芳不泯衆情追仰其立嚴祠鎮百雉之向靜宰軍民  
之禍福殿堂隆邃儀衛精嚴式修如在之儀仰託儲靈  
之慶往載暨生劉氏妖起羅平于躬稟

睿謀恭

行

天討數年擐甲兩復越藩皆資勝鬻之功以  
就戡平之業特爲重增饗饗廉潔性牢還來四野無塵  
重門罷柝丁卯歲揚旌東渡巡撫軍民躬奠椒漿目瞻  
盛像每暢吳風越俗共歌道素人安昔爲兩鎮之疆今  
作一家之慶遂馳牋表請降封崇所冀

明恩与

漢牧齊標美稱其秦壘封聳等蒙

天澤果

賜允俞須崇福之嘉名昇五等之尊爵其所奉

勅命具列如左

勅鎮東軍牆陞神應王前朝名將劇郡良材傾因剖竹  
之辰實有披榛之績躬修府署綏綏吏民豈獨遺愛在

人抑亦垂名終古况錢鏐任隆三鎮功顯十臣能求福  
而不同致效靈而必應願加懿号以表其特宜旌岌業  
之功用顯優隆之澤宜賜号崇福侯仍付所司陳至哉  
勅者

噫乎人惟神祐神實人依爰自始建金湯肅陳祠宇興  
茲中壘三百來年雖享非馨未登列爵今則值予佐  
國連統藩維啓典越之雙封爲東南之盟主况遇

金行應箴

梁德克昌道旣泰於

君臣澤遂加於幽顯獲申奏薦遽降

徽章今則

象軸煥新

龍綸遠至表勲名於万代昭靈威

於千秋固當永荷

皇私長垂幽贊保我藩宣

之地遐清災沴之源其泰斯民乂安吾土烜矣赫矣永  
作輝華今當吳越雙封一王理事亦仗土地陰騭其力  
護持神既助今日之光榮予亦報幽靈之煥耀但慮炎  
涼改易星歲徂遷不記修崇莫源事始聊刊貞石以示  
後來時大梁開平二年歲在武辰 月 啓 聖主  
運同德功臣淮南鎮海鎮東等軍節度使檢校太師守  
侍中兼中書令吳越王鏐記

此碑以城爲牆以戊爲武按舊唐書哀帝紀天祐二  
年七月辛巳勅全忠誦鑄河中晉絳諸縣印縣名內

有城宇並落下如密鄭絳蒲例單名爲文九月己巳  
勅武成王廟宜改爲武明王十月癸丑勅改成德軍  
曰武順管内棗城縣曰棗平信都曰堯都樂城曰樂  
氏阜城曰漢阜臨城曰房子避全忠祖父名也

全忠祖信

十一月甲申勅改潞州潞城縣曰潞子黎城曰黎  
亭又勅改河南告成縣曰陽邑蔡州襄城縣曰苞茅  
同州韓城縣曰韓元絳州翼城縣曰澹川邠州鄆城  
縣曰萬安慈州文成縣曰屈邑澤州晉城縣曰高都  
陽城縣曰獲澤安州應城縣曰應陽洪州豐城縣曰  
吳高又按五代史滑州唐故曰義成軍以避梁王父

諱故曰武順又冊府元龜開平元年五月甲午改城  
門郎爲門局郎曾子固跋韓公井記襄州南楚故城  
有昭王井故城今謂之故壩卽耶也山梁太祖父名  
城避之然則城者嫌名也冊府元龜言帝曾祖  
諱茂琳開平元年六月癸卯司天監上言請改日辰  
丙戌字爲武從之然則戌者茂之嫌名也

字故改之者非

然戌本音茂不知何以爲武音而鄭樵謂十

寄齊續筆謂戌類成

辰十二日皆爲假借甲本戈乙本魚勝丙本魚尾丁  
本鱸尾戊本武己本几又不知其說何所本也又如  
後漢執金吾丞武榮碑云天降雄彥資才卓茂仰高

鎮堅允文允武則并茂字亦讀爲武其來久矣

唐白居易

詩有木名櫻桃得地早滋茂與露去  
住顯如樹賦爲韻 金石文字記

按碑前載表奏次列敕旨最後記文乃吳越武肅  
王錢鏐所作城隍廟神舊祀唐右衛將軍總管麗  
王蓋玉都督越州有善政土人立廟奉爲城隍至  
是鏐又具表請降崇封五代會要云開平元年封  
鎮東軍神祠爲崇福侯從吳越請者是也李陽冰  
縉雲縣城隍廟碑云城隍神祀典無之吳越有此  
風俗是城隍神雖未得列于祀典而建祠立廟之  
事所在皆有此碑云等而罷市興嗟餘芳不泯衆



情追仰其立嚴祠卽于麗玉身後其事當在唐初  
又記云爰自始建金湯肅陳祠宇奠茲中壘三百  
年來雖享非馨未登列爵則前此鎮東軍城隍亦  
祀典所無陽冰之言爲不誣矣玉京兆涇陽人堅  
四世祖新唐書附堅傳稱玉事隋爲監門直閤李  
密據洛口玉以關中銳兵屬王世充擊之百戰不  
衄世充歸東都秦王東徇洛玉率萬騎降高祖以  
隋臣禮之玉魁梧有力明軍法久宿衛習知朝廷  
制度帝顧諸將多不開儀檢故授玉領軍武衛二  
大將軍使衆觀以爲模範出爲梁州總管巴山獠

金石錄卷二十一  
二  
叛王梟其首餘黨四奔屬縣獠與反者州里親戚  
爲賊游說言不可窮蹙王不聽下令曰穀熟吾盡  
收以饋軍非盡賊吾不反聞者懼相謂曰軍不止  
吾穀盡且餓死乃其入賊營與所親相結斬渠長  
以降衆遂潰徙越州都督召爲監門大將軍太宗  
以耆厚令主東宮兵雖老不怠小大之務無不親  
及卒帝爲廢朝贈幽州都督工部尙書史載王歷  
官行事如此碑紀土人立祠之由但叙其在越州  
時事

重修北岳廟碑

碑上殘缺僅存高九尺六寸五分廣四尺六寸二十七行字數無考行書在曲陽縣

### 重修北岳廟碑

觀察巡官朝請郎檢校尚書禮部員外郎兼侍御史  
賜緋魚袋劉端奉 命撰

### 定州文學王知新書

缺明覆載以稱功浩淼百川峻嶒五嶽顯陰陽而自  
異呈動靜以爲徵莫不隱靈祇彰聖化欲見而非見示  
威而不威福善禍淫有今古無差之理聰明正直豈鴻  
纖偏照缺妙難窮之跡蘊幽靈罕測之基昭然憮然胥  
矣大矣至道而牢籠萬彙啓範圍而埏埴羣倫敬之

遠之寒暑不愆于四序恭也禮也扎瘡口適於千門況  
缺還當夏氏之興且特修王母之祠未盡善也迨致高  
禩之祭胡可比焉豈若恒岳霞峯

安天壘廟鎮

撫堯分之所輯寧禹別之方口氣勻鋪壯口

勢巍巍

藏雲龍而均風雨如生肅肅將魚水而睦君臣遠還垂  
恩公私布惠解濟黔黎之苦能獨

皇闕之憂

魅亡魂奸回縮脰怖盤牢口黃鉞逃粉碎

缺

春秋祇若

興五侯懇薦於蘋蘩黍稷非馨唯於饗德備脯成有但  
以依人伏又河朔名區海西樂土雖烹魚鹽之利尤多  
耕織之資密邇并燕絕六狄七戎之口交居趙魏招

缺

一境是諸華之則三軍爲百代之規整頓朝經獨立功  
臣之貴平除國難孤標吼亂之勲况  
大唐二十

餘帝乾坤三百年間社稷龍魚數見口口頻生聲振  
萬方之禮樂無雙堯舜芳猷既參差於竊比商周政柄  
徒虺虺於揚名字宙昇平煙塵帖泰汎  
宸恩於草  
木鍾  
睿澤於俾發屬以失味口口輕漂舟機

玉輅東西豈爲春蒐之故銀鈎南北唯論秋獵之因  
桂萼九州依倚六國運偶二三之變時遭百六之艱伏  
以  
歸於神授英通盡出於天生昂宿光芒奕  
賢王之瑞金精照灼潛符  
霸王之徵

執禮宏仁廉刑薄斂徧沐

怡顏之貺口遵難犯

之威

錄

彰彰於冰壺不意小瑕

畱心大節賽

桓文之令望超周邵之嘉音謀始要終理煩去惑皎潔

三秋之月泓澄萬頃之陂而又世襲

缺

五孝從

五帝而至如今加以武庫規繩儒門綱紀著述五兵之

策研精万卷之書稼穡偏知但見啓期之樂刑罰獨斷

旋除庶女之風惻隱肥家忠貞活國勲

缺

大展謨謀深

行理治每設補天之術恒修締地之方由是訪沉淪求

疾癘崇佛理重神明廢置仰藍拾就增修之命傾頽靡

宇俱當造化之功口嶽廟以天寶

缺

泊乎舜禹頻移秦

正屢改將新舊而分巧拙方彼此而曰古今屬以山套

歌傾丹楹朽腐只取於素來基址特興於此際規模遂

命押衙充都口修造使檢校工缺奮揭藉罄竭於心匠

惟臻至於忠勤百役子來三時慶陳選機苑於異木佺

柱石於幽巘杞梓鸞栒瑤瑤爲瓦想楚宮之枉設誇漢

殿以虛詞斤斧奇能再偶缺長戴千千似稟銜枚之命

驥駛万万疑聞聳轡之聲福壽要津神祇會府闔苑亘

理林之茂銀屏衝朱檻而開未旣十旬其庸一旅勞而

不繼告厥成功實爲陰缺燈凌空展梯口口莫達清波

忽泛浮梁棟以旋來黯黯坤元踊一攢之勝槩明明星

紀聯百雉之清虛佛土裝嚴猶虧鳳髓蓬瀛景致只欠

鼇頭豐省亡機疾

佚

北討南征葢口口神之助人安俗

卑深惡

陰德之功而又巨夏多艱中原盡蠶大

厲久離於四表太平永在於三州

佚絕

口國貽厥孫謀宏宣

祖業社稷類金湯之固山

河齊日月之榮端負笈徵人食魚末客少琢磨於焉學

深口口於斯文謬歷煙霞槐

佚

異披砂口口拾芥有濡

毫而稽顙無香桂以甘心進思盡忠煦育之

佚

荒蕪冀口

寵命叙虛襟而寧極修實錄以何窮但

以賜如誠非作者雖乖雅頌輒縱賡歌



缺國泰齊口年豐一人肅敬八表欽崇諸神際會闔境  
和同公私唯孝左右純忠威降巨祲力制羣戎寶裝廟  
宇山是屏風其精專建造巧竭靈徵高攢缺幣日光曜  
龍竿虛噴師從兵圍前壇後苑左駟右駢尊卑森森去  
就依依俄興木鐸待整璜其匡時舟楫問代公侯洪  
橋架海皓月當秋恢廓至道以缺巍巍清廟岌岌危樓  
家財已俸制置增修行藏實錄今古難儔其名超八凱  
鑒若三辰忠貞輔國禮樂親隣始終霸道左右賢臣一  
方受煦万物逢春缺奉命文不驚人微書盛事永載貞  
珉

缺同三司檢校太師兼中書令使持節定州諸軍事  
上柱國北平王食邑五千戶食實封五百戶王處直  
歲在丙子十月癸未朔口口日建

口藉王允刻字

右重修北嶽廟碑劉端撰王知新書已失其半年月  
僅存歲在丙子數字諸家收藏僅列唐碑中卽亭林  
亦未深考也案碑記王處直修廟事而文云大唐二  
十餘帝乾瑞三百年間則已非唐時可知也檢五代  
史雜傳王處直爲唐金吾大將軍領興元節度使宗  
善子義武軍節度處存之弟也乾寧二年處存卒于

鎮三軍推處存子郃爲副後處直爲後院中軍都知  
兵馬使光化三年梁兵攻定州郃遣處直率兵拒之  
兵敗入城郃亂兵推處直爲副後梁兵圍之遂絕  
晉而事梁梁太祖表處直義武軍節度使累封太原  
王太祖卽位封處直北平王其後梁兵攻王鎔鎔求  
救于晉處直亦遣人至晉願絕梁以自效晉兵救鎔  
處直以兵五千從破梁軍于柏鄉其後晉北破燕南  
取魏博與梁戰河上十餘年處直未嘗不以兵從又  
案梁太祖本紀光化三年進攻定州王郃奔于晉其  
將王處直以定州降開平四年北平王王處直叛附

于晉是碑處直列銜已稱北平王歲次丙子應爲梁  
末帝貞明二年無疑又以五代史考之處直已於開  
平四年附晉通鑑稱唐之亡也惟河東鳳翔淮南稱  
天祐則此碑所紀必天祐十三年又無疑矣銜中檢  
校太師兼中書令使持節定州諸軍事食邑五千戶  
等歐史不書似亦未見此碑也

竹垞金  
石目錄

贈太尉葛從周神道碑

碑高八尺七寸八分廣四尺二寸三  
十八行行約七十字行書在偃師縣

梁故招義軍節度□□□□□□置等使開府儀同  
三司檢校太師兼侍中守潞州大都督府長史□□□

□□□□□□□□□□葛公神道碑銘并序

銀青光祿大夫禮部尚書權知貢舉□上柱國臣薛

廷珪奉勅撰

翰林待詔中大夫檢校刑部尚書□左□□衛大

將軍□□□□□□□□□□□□臣張璣奉

勅書

□議郎守殿中□□□奉御□□□□□□微奉勅

篆額

□□包犧設教畫卦□□□□□□□□□□弧矢於焉利

用□□□□□□□□□□蓋殷周之前將相其柄洎秦漢

之後文武殊途至若綱紀彝倫範圍庶品闡揚至理崇

樹鴻猷則用武之□□□獨濟若夫撥亂反正□□□

□□衛□□敷濟王□則□□□□□□諸至於大

義至公開物舉務感召和氣庇育羣生其揆一也夫物

窮則變否極則通時雖類於循環事□□□合□□雕

虎□□□□□□□而□□□□□□理□□□□□

□□□方勘定遂生翦起韓彭扶不□以凌霄翼真人

而御極風雲之會影響無殊□□□□□□之

期□□□□□□帝應□□□□□□□□□□

□□□□豕於大田斷脩馳於廣陌則有故昭義軍節

度澤潞等州觀察處置等使開府儀同三司檢校太師  
兼□□□潞州大都□□□□□□□□□□  
□□□□□□□□□□□□□□□□  
潞州鄆縣秦丘里人也禮也曾祖阮祖遇賢父簡賄兵  
部尙書惟公世方管晏緒接神仙負山□□□□□□  
□□□□□□□□□□□□□□□□  
□□勵越石著鞭之志生知韜略時合孫吳韋弦淡爾  
而酌中文武居然而兼備素業唯觀於大略壯圖潛□  
□□□□□□□□□□□□□□□□  
□□□□□□□□□□□□□□□□  
□□□□□□□□□□□□□□□□

家刑國鵠文兆忠孝之名原始要終血字表公侯之分  
寔爲天縱□□□□□自 太祖□□□□

□□□□□□□□□□□□□□□□之鋒於是

附 鳳攀 龍策名委質伐蔡之役戰酣

太祖皇帝□□□之變時□□□公霄□□□

□□□□□□□□□□□□□□□□谷之

史輪不返而又青兗三寨鯨鯢萬人勦戮無遺輜重皆

弃鞏約面縛而授首□唐魄□□□□□赤□□□

□漢□□□□□□□□□□□□□□□□

□□□□□齊山僵尸蔽野以功□檢□□部尙書時



博復統全師礮山下寨廣村接戰全軍□□□□□  
□□□返又轉檢校刑部尙□□□□□□□□□  
□□□□□□□□□□□□□□通上黨蕃戎喪膽□  
□□□□改授懷州刺史屢立殊勲繼膺賞典又假吏  
部尙□□累遷□□□州判□□□□□□使□□□  
□□□□□□□□□□□□□□□□□□□□□  
落落領二千騎□□□□□□馬步二千殺戮殆盡生擒  
落落奪馬三千又殺蕃□□□□□□□□□□自□□□  
□□□□□□□□□□□□□□□□□□□□□  
□□□□□□□□□□□□□□□□□□□□□  
□□□□□□□□後尋授節旄假□□□□□□昭義兩

使兩務蔣軍周揚五之衆結寨連營去□□□□□

□□□□□□□□俄而□□□□□□□□□□

□□□□□□□□□□□□□□而身先幽滄克□

□□□□□乃授宣義軍行軍司馬俄代丁會入潞州俘

戮□□□□□□□□□□□□□□□□□□□□

□□□□□□□□□□□□□□□□□□□□□□

□下凡經八日納□□□□□□加檢校司徒又入井陘

攻討并部降李洪範已□□□□□□□□兼加徐州□□

□氏□□□□□□□□□□□□□□□□□□□□

□□□□□□□□□□致力□□□□□□□□□□中

太  
口  
口  
口  
口  
口  
口  
口  
口  
口  
口

口口口口口加太子太師食邑二千戶  
口口之

念勤勞乃睠疾慈爰降優禮□□□□□□□□□□

五口口口口口旌旗之口口口口別墅口口山

羣英口口口口口口口口口口之有也俄而美疔滋深醫

漢書揚天口口遺人之云亡恨狼口之口尙存指馬口

江淹之筆□□□

勒以十月三日

歸葬于偃師縣毫邑鄉林南里之別駕贈賻贈哈

君恩□□□□□□□□□□□□□□尉有子五

人□□□□□□□□□□夫檢校□部尙書□□□□

將軍同正不仕次曰彥勳金紫光祿大夫檢校兵部尙

書前守淇州別駕不□次□□□□□□□□□□□□

□尙書刑部員□□□□□□□□□□□□□□□□

□□□□□尙書守左驍衛將軍次曰彥浦殿前受旨

銀青光祿大夫檢校太子賓客薦□□□□□□□□□□

□□□□□□□□□□克□□□□□□□□□□□□

□□□□□□□□□□□□英飛龍使充西京都監銀

青光祿大夫檢校尚書左僕射守左武衛將軍□□□  
□□□□□□□□□□□□□□□□□□□□□□□□  
□□孔循□□□□□□□□□□□□□□□□□□  
上將軍連榮 貫戚迭照閭門玉鏡臺前匪獨惟  
於□□□□□□□□□□□□□□□□□□□□□□  
□□□□□□□□兼□□□□□□□□□□□□□□  
以竭情臨襄事而銜恤始終部分董灼一時斯又見天  
□昭荅之重沓也 皇帝臨軒軒輶撤□廢朝□  
□□□□□□□□□□□□□□□□□□□□□□

伊昔皇唐運終百六兵革□□□□□□□□□□□□

□□□□□□□□□□<sub>其</sub>□□ 我梁 授

天明命問生材傑克靖災沴武德孔昭和□□□□

□□□□□□□□<sub>其</sub>□□□□□□□□□□

□戰酣馬逸士失銜勒下車策之傷面克敵<sub>其</sub>青亮三

舉鯨□□□□□□□□□□□□□□□□

□□□□□□□□<sub>其</sub>凡茲大勲傑出十亂炳若丹青著

於史傳□外畏威□□□□□□□□□□<sub>其</sub>□□

□□□□□□□□□□增□□□飛蝗越境猛獸遁

去軍食衾服盈美廂庾<sub>其</sub>統衆出師寬猛相濟□□

□□□照□□□□□□□□□□□□□□<sub>其</sub>七

悠悠丹雘輶輶萬人之敵六尺之軀譬如石火去  
似隙駒□□□□誰其同諸其□□□□□□秋露  
如珠瀝君□□平生氣豪命世功夫金瘡猶在腔肉永  
枯其丘山之隅□□之裔許國壯心磨天逸勢威聲□  
□昏衢迢遞長辭魏闕永謝明世其

貞明二年歲次丙子十一月壬子朔十二日丁卯建

鐫字沈□

從周歐史有傳其檢校太師兼侍中則史未之載昭  
義者潞州軍號也唐季潞爲河東所有不在朱梁管  
內從周以疾致仕遙授節度令食其俸子家非真節

度也宋世節鎮在家支俸之例實昉于此周德威少  
字陽五此碑作楊五文云歸葬于偃師縣亳邑鄉  
叔璩中州金石表所載偃師碑甚夥而獨遺此吾  
武君虛谷始揭以遺子文雖殘損猶足爲攷史之助  
于思容齊乘謂荏平縣有五代葛從周墓土人名曰  
葛塊讀是碑始知土俗相傳之誤

潛研堂金  
石文跋尾

碑字可辨者皆與薛居正五代史不甚異疑薛据此  
碑而爲傳按之歐陽修史所載甚與碑異此碑奉勅  
書長隲無冒列功狀是歐陽史爲失實也歐陽史所  
載歷官晉秩亦多疏略賴有此証之碑云偃師縣亭



已鄉今之淮廟邨卽古西亳湯都也

中州金石記

按葛太尉殘碑余乙巳二月始過其墓碑石舊爲雨風激射間有存者惟下二尺餘埋於土中尙完好急爲剪剔出之碑內題云故昭義軍節度澤潞等州觀察處置等使開府儀同三司檢校太師下缺數字其所載歷官晉秩皆與傳略同五代史從周漢州郢城人今碑云郢縣當時載筆者爲梁太祖父嫌名避之據禮不諱嫌名而唐之諸帝與其七大夫競相規易至其末季尙欲持是區區虛崇無益之數冀以籠制冥悍跋扈如溫之至無賴者又豈遽爲之動與史言

從周從太祖攻蔡州太祖墜馬從周扶太祖復騎與  
敵步鬪傷面身被數瘡攷此碑伐蔡之役戰酣云云  
文缺證以銘詞所謂戰酣馬逸上失銜勒下車策之  
傷面克敵碑旣悉與傳符而從周功績初已可見如  
此又本書晉王恂自將擊從周從周雖大敗而梁兵  
擒其子落落送於魏斬之羅紹威傳梁兵擒晉王子落落送於魏宏信斬之與  
此此碑竟云馬步二千殺戮殆盡生擒落落奪馬三  
乎則從周竟未大敗矣落落亦屬自擒而歐陽乃歸  
之梁兵反覆推之知史誣也碑奉勅書撰從周子孫  
斷無敢於冒列功狀虛誑溢美以耀從世者歐陽或

得之舊聞而從周戰績幾於湮沒不覩非是碑後世  
其孰從而知之碑後文又有入井陘攻討并部降李  
洪範傳亦失載從周爲宣義行軍司馬傳書於旣敗  
燕兵之後依碑又在代丁會之前叅錯乖迂並宜依  
碑爲據至所書末帝卽位拜昭義軍節度使封陳畱  
郡王食其俸於家卒贈太尉從周嘗致仕日已居偃  
師未聞再召用及後卒也亦當居於偃師而碑云以  
十月十三日歸葬於偃師縣毫邑鄉然則從周又非  
終沒於家者錄之其亦俟考也從周曾祖父阮祖遇  
賢父簡贈兵部尙書從周諸子碑尙可見者次日彥

勲次曰彥浦史並略不書獨余爲暴出之使幸有聞  
而碑亦於從周祖父列名獨不爲少蝕疑亦有待於  
後人與

饒師金石  
遺文記

碑紀從周戰功有云落落領二千騎錄馬步二千殺  
戮殆盡生擒落落奪馬三千歐史本傳書晉王怒自  
將擊從周從周雖大敗而梁兵擒其子落落送于魏  
斬之子向跋此深以見歐史之誤今案舊唐書羅宏  
信傳太原怒舉兵攻魏營于觀音門外汴將葛從周  
援之屯于洹水李克用之子落落時爲鐵林軍使爲  
從周所擒唐書宏信傳從周爲閭閻每克用兵至輒

出精卒薄戰必捷克用踰洹西北挑戰從周大破之  
禽其子落落乃引去舊五代史從周傳乾寧三年五  
月并帥以大軍侵魏遣其子落落帥二千騎屯洹水  
從周以馬步二千人擊之殺戮殆盡擒落落于陣并  
帥號泣而去紹威傳太祖遣葛從周援之戰于洹水  
擒克用男落落以獻太祖令送于宏信斬之晉軍乃  
還推斯數証舉足以見永叔曲說非信史矣

授聖金  
石跋

按從周薛歐二史皆有傳惟薛史與碑多合具見  
諸家跋中碑有云羣約面縛而授首口唐魄口口  
口口據舊史傳兗州齊克讓軍於任城從周敗之

擒其將呂全真淄人不受制復與之戰獲其驍將  
輩約會青州以步騎萬餘人列三寨於金嶺以扼  
要害從周與朱珍大殲其衆擄其將楊昭範五人  
而還至大梁不解甲徑至板橋擊蔡賊破盧瑋寨  
瑋自溺而死碑下句似謂盧瑋魄喪自溺與上輩  
約面縛爲對瑋字作唐與史微異傳又稱李罕之  
引并人圍張全于河陽從周率兵赴援大破并軍  
殺蕃漢二萬人解河陽之圍以功表授檢校工部  
尚書碑云口口齊山僵尸蔽野以功口檢口口部  
尚書正敘此事蓋以功授檢校工部尚書也碑文

爲薛廷珪奉敕撰攷舊唐書薛逢傳子廷珪中和  
中進士第光化中官刑部吏部二侍郎權知禮部  
貢舉拜尚書左丞入梁至禮部尚書舊五代史廷  
珪本傳又云唐莊宗平定河南以廷珪年老除太  
子少師致仕同光三年九月卒今碑題禮部尚書  
權知貢舉口上柱國正與傳合新唐書稱廷珪光  
化中累尚書左丞朱全忠兼四鎮廷珪以官告使  
見全忠卒不肯加禮其入梁以後歷官皆畧不載  
似廷珪以唐臣終者賴有此碑足見舊書有據古  
人碑志諸文於卒葬之處每書禮也以見其舉喪

行事無悖于禮是碑敘其先世為濮州人亦加禮也二字殊無意義廷珪為當時能文之士不應乖謬乃爾疑書丹者筆誤或刻上鉤摹舛錯所致也刺史折嗣祥碑

碑高九尺廣三尺七寸前而已缺僅存二十八行正書字數約無可考在府谷縣人為之受命瑞影搖彩茲續所以降神昔周文王

有大明嗣太王季 離諱華雲中人也永西伯之苗裔

大魏之後字文之別緒以金城 自武德中 詔

府谷鎮遏使不改善政永 子孫繼之策 能不

施勞於民不代善於己憤慨

以魏孝文皇帝廿七代



之孫也世襲家聲勲庸不昔先王之顧命巨唐

之芳業爰因忠烈為唐繼隴西氏焉所謂若作席上

琳瑯人間柱石鹽梅楚藥不謂臨危致命不顧其死

見義有勇無懼於獎式義方不可奪也可稱也

不以私誣義罔以虛眩真守金石為府谷鎮持戎

醜壇境之內民無雜居杜烽戍之虞尚書兼御史大

夫考績庶政增以厥貢良驥可千乘與部族歸權蓋

之地黔黎有豐年之詠昔先王求枚嗣祚也以前

乾符歷數元覽不敢以懸河之辨無不對當

進賢任重為黎先行欲移勲列爵未足稱吾懷何

如 其德不同馳騁

於雲口之然將明命於 王親

之與然曰虜延深遂口口危

雖繁中利刃

當今晉

王威

公有大忠才

王室有

大

駕爲

漢上

氏

口祖賡之禮也而乃衣錦桑榆顯榮也

先世

聖唐

之端派子子孫孫引無替之道也俾乎黻冕金

行勲

業惟新敷五教以在寬闡六條而弼政稼穡有通歧之

詠庶民無聚斂之怨

公下車

之日觀人多

弊塞惟

撫問愛如己育遂乃布駟鷄之善牧馬之政聆風嚮化

繼至

累降名綬加口陰功

因効口靈山岳其年冬末

有 二日享齡

五寸終禩於鎮

郡焉

志

永有

爲州

之譽

趙宣子郭

後

有子五人長曰從

軍使次曰

軍使次曰從

達勳合楷模

府府州副使

次曰從依

攝

麟州司馬檢校尚書祭酒兼御史中丞次曰從

祖

塋之左右授機應符契運叶瑞來儀清風朗月孤高不

羣口無擇言哲中允哲賢中又賢巖谷歸神崐崘熾燁

玉石俱焚

賜俯賦

封樹諸子昇

文云有子五人三曰從遠從遠卽從阮以後唐莊宗

鎮太原時領府州刺史文內又有當今晉王威公有

大忠云云則是碑梁時所建也 文云大魏之苗裔

宇文之別緒又云爰因忠烈爲唐裔隴西氏于克行

碑云折出河西折屈五代史從阮父嗣倫與此異

金石

記

按碑殘缺無年月諱字可見但據文中有昔先王  
求枚嗣祚之語知折君名嗣祚耳凡碑敘事皆稱  
爲公此語直言嗣祚蓋承先王爲言明尊君也嗣  
祚有子五人次曰從遠五代史有折從阮 云從  
阮字可久本名從遠避漢高祖舊名故改 字卽  
此人也傳稱父嗣倫爲麟州刺史今作嗣 與史  
異然云享齡五十終祿於麟郡是嗣祚終 州刺  
史與傳合卽嗣倫無疑矣舊史從阮傳唐 宗初

有河朔之代兆諸郡屢爲邊患起從阮爲河  
東牙將領府州副使同光中始授府州刺史碑稱  
從阮動合楷模缺府府州副使又云當今晉王威  
公有大忠於王室是碑之立當在同光改元以前  
故尙稱晉王耳碑叙嗣祚世系行事頗詳而剝蝕  
過甚無從據以補史惜哉

唐

重修法門寺塔廟記

碑高七尺一寸八分廣三尺八寸三十行行  
五十二字至五十四字不等正書在扶風縣

大唐秦王重修法門寺塔廟記

朝請大夫守尙書禮部郎中柱國賜紫金魚袋薛昌  
序撰

承 旨王仁恭書

夫 大聖示其不滅證以無生燃慧炬以燭幽泛慈航  
而拯溺在三千界分八万門誘捨愛河勸離苦海香山  
月殿長侍眸容驚嶺龍宮時開半偈与消塵劫令出昏  
衢按後魏誌阿育王役使鬼神於閻浮提造八万四千  
塔華夏之中有五 秦國岐山得其一焉又按神  
州三寶感通錄華夏有塔一十九所岐陽 聖  
跡復載其中朝觀光相夕觀聖燈究異草之西來驗

鑾蹤之所止供盈香積鑪馥旃檀面太白而千  
疊雲屏枕清渭而一條翠帶而又

文皇遷寢

殿而修花塔冀拔羣迷天后開明堂而俟

真身庶康万策編於史冊傳以古今粵自有周洎乎大  
漢至于晉魏口及齊梁隋文則誓志焚修

我唐

則

累朝迴向莫不歸依

聖教恭敬

真宗募善行於阿育王結慈緣於金龍子嘉  
徵迭變靈應無窮或顰鶴飛翔不離於紺宇或卿雲搖  
曳靡捨於金繩分

舍利於五十三州增福田於

千万億祀間生芝草頻現雨花真形試火而火不焚因

其吳主

寶塔居水而水不近彰自前門禮懺

者沈痼自痊瞻虔者宿殃皆滅

金僊入夢白馬

戒途傳經旣口於西天演法俄流於中土今則

王天潢稟異

帝裏承榮立

鴻猷於

多難之秋彰

盛烈於阡危之際徧數歷代會

無兩人增美

儲闈傳芳

玉諫將

中興於

十九蒸纂

大業於三百年

竭力

邦家推誠

君父身先万族屢掃

攬槍血戰中原兩收宮闕故得諸侯景仰八表風隨當

口踞於山河卽

龍騰於區宇



朝萬國而無慙伯禹叶五星而不讓高皇惡殺好生泣  
辜罪已然而早欽大口風尙口門捨口口口口口口  
口口禪林之嚴飭天復元年施相輪塔心椽柱方一條  
天復十二年以舊寺主寶真大師賜紫沙門筠

口口口口口口口口口口口口口口口口口口口口口口  
修覆堦舍二十八間至十三年迄契至誠果諧

靈威迅雷驟起大雨口口口口口口口口口口口口口口  
口口口口口口口口吹沙涌出寶堦化成金像移山拔海  
未足稱奇 聖力神功咸驚不測天復十四年

口口口口口口口口口口口口口口口口口口口口口口  
十八間及雨 天

王兩鋪及塑四十二尊賢聖菩薩及畫西天二十口祖  
兼題傳法記及諸功德皆彩繪畢天復十七年口口口  
口口口并口造八面金塔內外塑畫功德八龍王天  
復十九年至二十年蓋造護藍牆舍四百餘間及葺塔  
庭兩廊講口口口及口口口口堦天復十九年二十年  
四月八日遣功德使特進守左衛上將軍上柱國隴西  
縣開國伯食邑七百戶李繼潛僧錄明口大師賜紫沙  
門彥文首座普勝大師賜紫沙門寡辭宜奉絲言敷傳  
聖懋兩件施梵夾金剛經一万卷蓋自王晝夜

精勤

躬親繕寫不墜祇園之教普傳貝葉之文

塔前倭施十方僧衆受持兼香油蠟燭相繼路歧至天  
復二十年庚辰至壬午歲修塔上層緣琉璃甍瓦窮華  
極麗盡妙罄能斧斤不輟於斯須繩墨無虧於分寸法  
雲廣布

佛日高懸不殊兜率天中靡異菩提樹  
下悟其實相了彼真空金口彌裒福護於鳳鳴之境神  
光煜燦照臨於鶴首之郊必使玉像長新

瑤

國永煥紹

高祖

太宗之丕捐邁三皇五帝之

口猷

王子天孫光承

運祚

大君

聖后罔墜花香口修寺主安遠大師賜紫沙門紹  
恩戒行圓明精持堅懇稟先師之遺訓成

大國之

良因放鶴峰中降龍口下護珠內紫世垢莫侵虔奉

宸嚴遐神勝果希傳永永爰刻碑礲昌序藝愧彩  
毫詞非黃絹謬承 睿旨俾抒斯文殊匪研精難

逃荒鄮天祐十九年歲次壬午二月壬子朔二十六日  
丁丑記

玉冊官孫福鏞字

碑稱天祐十九年是時唐亡已久李茂貞尙稱唐年  
號又二年而莊宗取梁茂貞稱臣又一年而茂貞死  
戰爭之時得作此佛事者以梁晉搆兵茂貞偷安故  
也按傳茂貞先稱岐王莊宗改封秦王據碑則已先

稱秦王矣碑王仁恭書亦精勁有法

石墨  
精華

通鑑後唐莊宗同光二年封岐王李茂貞爲秦王今此碑天祐十九年建而其文稱已秦王則在同光之前二年矣蓋必茂貞所自稱又史言茂貞奉天祐年號此碑之末亦書天祐十九年而篇中歷述前事則竝以天復紀年至天復二十年止亦與史不合

金石  
文字

文云秦王者李茂貞也金石文字記据通鑑後唐同光二年封岐王李茂貞爲秦王此文在同光之前以爲必茂貞所自稱以予攷之殊不然舊唐書昭帝本

紀景福二年十一月制以鳳翔節度使李茂貞守中書令進封秦王蓋茂貞之稱秦王自此始茂貞自岐王封秦王故云進封其後天復三年除茂貞檢校太師守中書令史仍稱秦王不云岐王也通鑑同光二年進岐王爵爲秦王考異云茂貞改封秦王薛史無的確年月實錄同光元年已稱秦王茂貞遣使賀收復自後皆稱秦王至二年辛巳制秦王李茂貞可封秦王豈有秦王封秦王之理必是至是時始自岐王封秦王也据此則莊宗實錄本書秦王溫公以意改之耳茂貞唐之舊藩與河東均附屬籍稱兄弟行至

是始稱臣於莊宗故因其舊封授之錫以冊命實錄  
所載本不誤通鑑改之失其寔矣五代史茂貞傳實  
封岐王于昭宗幸華之後通鑑則書于天復元年不  
知茂貞封岐王乃在景福元年以前

舊唐書景福元年以故王李茂

貞爲興元尹山南西道節度等使

傳又稱梁祖卽位茂貞稱岐王開

府置官屬又稱茂貞聞莊宗入洛乃上表稱臣遣其  
子入朝改封秦王詔書不名不知茂貞在昭宗之世  
稱秦王已久矣岐者一州之名秦者大國之號茂貞  
已受命建國曰秦必不舍秦而仍稱岐此夫人而能  
知者也通鑑稱唐之亡也惟河東鳳翔淮南稱天祐

西川稱天復年號此碑叙述前事俱用天復紀年至二十年止碑末乃書天祐十九年與史不合五季主宇瓜分各帝其國紀元之令朝更暮改史家得于傳聞不若碑碣之可信當全忠劫昭宗遷洛改元天祐河東西川謂天祐非唐號不可稱仍稱天復岐介蜀之間與梁爲深讐必仍以天復紀年及唐旣亡河東改稱天祐西川仍稱天復茂貞與西川爲鄰亦必仍稱天復也久之晉日盛強滅梁之形已久茂貞乃改稱天祐以自同于晉此事之想當然者惜乎史文缺漏賴有此碑立于當日可證紀元之異同此金石



文字之有功于史學也寺在鳳翔之岐山縣唐憲宗  
元和十三年功德使上言鳳翔法門寺有護國真身  
塔塔內有釋迦牟尼佛指骨一節上遣中使帥僧衆  
迎之者卽此塔也

潛研堂金石文跋尾

天祐十九年卽梁主璵之龍德二年也秦王卽李茂  
貞唐亡梁稱帝改元開平曰茂貞與李克用並襲天  
祐蜀王建稱天復七年以明年改元武成吳楊渥稱  
天祐十五年以明年改元武義並是也茂貞踞有鳳  
翔等二十州于梁主璵貞明乙亥丙子之間鳳翔爲  
蜀所克史不言復爲茂貞所有據碑可見其脫誤碑

又稱天復十二年十九年二十年天復之十二年即  
天祐九年其十九二十年則天祐十六十七兩年也  
是茂貞稱天復天祐號年之限克用專稱天祐茂貞  
兼用天復天祐此其所異者也茂貞本姓朱僖宗賜  
姓爲李氏或云茂貞封秦王在同光初天祐十九年  
不得有是稱案天祐十九年卽梁亡之年明年則爲  
同光元年也豈茂貞自稱爲秦王莊宗因是封之耶  
蓋不獨武都楊盛不改義熙年號比志于陶靖節矣

關中金  
石記

茂貞本姓朱僖宗賜姓李氏記所稱天潢裏吳帝裔

承榮蓋指其事法門寺見韓愈傳云鳳翔法門寺有  
護國真身塔此所重修塔意卽其遺跡與記稱天祐  
十九年歲次壬午前又以天復紀年至二十年參差  
無統唐之正朔亡矣歷代紀元業攷于梁開平元年  
書岐王天祐四年証之此碑仍稱自天復元年及十  
二十三十四十九廿年皆以天復紀號是當梁之篡  
唐未嘗以天祐紀推其誤蓋沿于通鑑謂唐之亡惟  
河東鳳翔淮南稱爲唐也

後鑿金石錄

### 重修定晉禪院碑

碑高九尺八寸廣四尺九寸五分三  
十六行行七十二字正書在武安縣

**三、關於「新中國」**

## 跌下

**附 12**

暑風寒雪已辯春秋葉落花生方知冬夏

□□□□□□□□□□□□□□□□□□□□□□

□□□□□□東魏黃初三年高歡帝所造也又雜集

異記云魏時有大乘僧不知生族諸天降食以供其齋

忽夜夢二豎凭□□□□□□□□□□□□□□□□

□□□□□□俗服於山石邊有大樹樹本堅枝密

其僧將法衣往樹欲掛其樹忽爾開而窺之儼然掩合

神力弥縫乃婚媾長於二子後一十二年却至樹邊樹

開而□□□□□□□□□□□□□□□□有虎闔菴前

師乃以手約杖駢而告耳伏後之人因其樹号樹禪師

之寺焉又改爲定晉禪院禪室山巖雅高唯遠龍池虎  
穴左之右之上至天宮下窮於地獄乃爲師之□□道  
清以考此凡志求□□蹤揆度古基持興蓋造從大唐  
同光元年歲次癸未七月起功至天成元年歲次丙戌  
九月院成法堂僧堂厨庫□屋並在巖巒之下禪棚石  
室佛□像安於峭壁之中木秀山巍顙□□□禽  
□獸崗畔成羣洞□祥風泉源細水花芳艷翠香逐雲  
濃散雨龍寒飛霜石冷幽閑異境大聖所居古跡金田  
遂重修舊昔日禪定石室一所□塞無蹤忽然自開收  
得道具數件乃是柵禪□僧所用之物也有單梯一徠

隣高百二倚於巖下莫知年載有坐禪棚一所出於峻  
壁之中下去地一十五丈於同光三年九月十日特然  
修換材木皆新棚上有阿彌陀佛一尊聖僧一坐倚子  
一隻蓋一頂道清觀此聖事乃生枯意馬苦楚心猿又  
整勤忠焚香發願別化千人之邑同修一切之緣蓋造  
高樓安排佛像茲願已集碑紀微功所住山中素無青  
石求之莫有於天成二年歲次丁亥七月二日有二龍  
鬪於寺前峪內雷旬電曜水溢溝穿現出青石一條長  
一丈七尺琢之如珉磨之瑩然龜頭螭眉皆獲足矣建  
茲福事際會

明朝立口之功上歸

皇化君聖臣賢之代民康鼓腹之年牧藪謠而樂  
乎哉風雨時而禮何有三郡 潛龍之地九州一

統之時

帝孟堯風皇宗舜海金枝黃鉞掌

鉅鑣之山河

帝子親王秉邢臺之旌節口

口樂業豐稔田疇民義於

君君賢於德爵

惡勸善刑法無差舉直退私人滋壽富

皇天后

上翼肋山河湮毀困窮皆霑霈澤浩浩

九圍之

道民無德而稱滔滔六合

禹無間然矣

滏陽西面古跡重興雲嶺巖前金園再建巍峩突  
砥插霄漢以廷廷聳峻峻增掩蓮宮之鬱鬱樹禪解闢



之虎窠穴仍多賢良造化之基器用不少凡施功力  
叶神聰永彼元規如蒙聖助無私善事衆慕如歸利物  
深緣易爲成就千門萬戶自捨家財伐木窮山人心不  
憚有邑首都維那三人次維那十人悟身若幻生務生  
口其相良因二相勉導逐處鄉邑次立維那舉其万法  
之門結會千人之數各有名氏鏤之碑餘基我家邦垂  
諸善則鄉口藥命動靜咸宜化召信心從風集事繼千  
佛之大行踵百福之遐功克荷僧徒捐情聖業筠篁志  
氣山岳心田重義輕金守公奉  
法歲寒如一運  
順始終建碑勒名以彰成事邑主沙門口口口心化利

上報

皇恩錄彼聖蹤請叙文也沙門

宗仁僧門無藝僞教荒疎自度鉛刀難鐫寶玉豈將瓦礫連布瓊瑤煩垂雅命堅合撰修兌之既難實錄前志後之

□□□□所冀殊禎絕瑞萬代長存

巨福良因千年不泯更顯前事章句頌焉 日月遷

照 乾覆坤維 四時列序 萬象咸宜 去彼取此

昭德塞違 天地之心 聖人則□ □□□□

東魏仁君 一匡天下 八表咸賓 桐禪是敬 悟

法情忻 金田勅造 寶輦勤勤 二化緣有盡 聖道

多門 或隱或顯 有去有存 畱真設像 資福清

□ □ □ □ 福利後□二一僧堅操 二利俱陳

深山守道 古寺求真 心猿息慮 苦節於身

嚴密作伴 虎豹爲隣 四三業障重 六賊爲親 勸

修十善 遠劫良□ □ □ □ □ 出沉輪 巨善

邑會 日用日新 五

大唐天成四年歲次己丑九月九日建

竭忠建策興復功臣安國軍節度使邢沼礎等州觀

察處置使金紫光祿大夫檢校司徒使持節邢州諸

軍事守邢州刺史兼御史大夫上柱

下缺

安國軍節度行軍司馬金紫光祿大夫檢校尚書左

傑射兼御史大夫上柱國李從信

安國軍節度副使銀青光祿大夫檢校工部尚書

下缺

金紫光祿大夫檢校工部尚書守礪州刺史兼御

口上柱國安口

安國軍節度押衙充三州諸軍馬步使銀

下缺

口紫光祿大夫檢校司徒前守河東左右廂步軍指

揮使二州都招討使澶州防禦使楊劉鎮馬步軍都

指揮使瓦橋關指揮使

下缺

安國軍節度判官朝議郎檢校尚書金部員外郎賜

紫金魚袋李瓊

邢洺礪等州觀察判官朝議郎檢校

下缺

節度掌書記將仕郎誠大理評事兼察御史張珙

節度押衙知客銀青光祿大夫檢校工部尚書兼御

史大夫柱國杜□

□州軍事判官將仕郎誠大理評事徐處凝

登仕郎守礪州錄事參軍劉鐸丘

朝散大夫□礪州武定縣令誠

下缺

□□□□□當武安鎮務馬賓

節度押衙前守武安鎮使銀青光祿大夫檢校工部

尚書兼御史

下缺

□□□□□左忠順指揮使銀青光祿大夫檢校工部尚書兼御史大夫杜國馮□

□義軍節度押

下缺

□□□□□轉受捉生指揮使銀青光祿大夫檢校太子賓客殿中侍御杜國

下缺

□□□□□使銀青光祿大夫檢校左散騎常侍兼殿中侍御上杜國

下缺

□□□□□兵馬使銀青光祿大夫檢校太子賓客監察杜國張□

□□□□□銀青光祿大夫檢校工部尚書

兼御史大夫

下缺

重修古定晉禪院千佛邑碑天成四年九月立釋道  
清撰俗名透影碑下半毀損有云東魏黃初二年高  
歡帝所造也以曹魏年號爲元魏未審何以謬誤至  
此又云雜集異記云云按太平御覽引談藪曰北齊  
高祖多殺戮有稠禪師者以業行著稱云云豈卽其  
人與中山經云虎首之山多直稠楮郭璞注稠未詳  
也說文稠木也而見于此終不知何木

中州金石記

碑下截已斷缺中言定晉禪院以同光元年七月起  
功至天成元年九月落成又言收得道具數件乃是

桐禪師口僧所用之物有單梯一條坐禪棚一所椅子一隻蓋一頂案硯餘業攷引丁晉公談錄寶儀雕起花椅子二以備右丞及太夫人同坐王銍默記李後主入宋後徐鉉見李取椅子相待以爲始自宋初不知後唐時已有此坐具矣

授堂金石跋

按碑前半稍有剝落不可盡讀有云東魏黃初三年高歡帝所造也黃初乃魏文帝年號東魏亦無以黃初紀元者釋藏之書所紀事蹟往往得諸傳聞故舛謬頗衆碑又引雜集異記云云檢唐書藝文志雜家類有集異記三卷薛用弱撰用弱字中



勝長慶中光州刺史碑所引疑卽此書碑後半詳  
記修造始末繼以銘詞年月後題名者二十人首  
行稱竭忠建策興復功臣安國軍節度使邢洺磁  
等州觀察處置使金紫光祿大夫檢校司徒使持  
節邢州諸軍事守邢州刺史兼御史大夫上柱下  
其名已缺以史攷之乃符存審也舊史存審傳天  
祐九年以功遙領邢洺磁團練使十三年二月劉  
鄩自莘悉衆來襲我魏州存審以大軍踵其後戰  
於故元城大敗汴人從收澶衛磁洺等州秋邢州  
閭竇降授存審安國軍節度使邢洺磁等州觀察

使其歷官皆與碑合是年十月授存審檢校太傅  
橫海軍節度使兼領魏博馬步軍都指揮使明年  
就加平章事以後歷官內外蕃漢馬步揔管又以  
功加檢校太傅兼侍中又以本官充幽州盧龍節  
度使同光初加開府儀同三司檢校太師中書令  
碑皆不及則知所載銜名皆在天祐十三年以前  
碑立于天成四年九月而云同光元年起功至天  
成元年院成同光元年距天祐十三年尙隔七年  
蓋其時創議修建地方達官已與聞其事至院成  
立碑方追題其姓氏不書現官者從其朔耳又存

審傳稱同光初賜號忠烈扶天啓運功臣碑題竭  
忠建策興復功臣則亦天祐中先賜之號足補兩  
史所略存審之後題名可見者李從信李瓊徐處  
凝劉宏邱馬竇五人皆無史傳可攷餘十四人或  
僅存其姓或并姓名俱蝕爲可惜也

賜長興萬壽禪院牒

石高四尺廣三尺十行行十字  
十一字不等正書在鳳翔府

中書門下 牒鳳翔觀察使

興元節度使張虔釗奏薦青峯禪院乞賜院額

牒奉

勅宜賜長興萬壽禪院爲額

牀至隹

勅故牀

長興三年九月三日 牀

門下侍郎平章事李

右僕射兼門下侍郎平章事

按是牀頒于長興三年九月刻朱鳳翔府停廢寺院牀之下截張虔劍邈州人舊五代史本傳云長興中爲山南西道節度使兼西面馬部軍都部署碑稱興元節度使則虔劍奏薦青峯禪院乞賜院

額卽在長興初矣末題門下侍郎平章事李者李  
愚也愚以是年八月丙寅由宰臣爲門下侍郎同  
平章事監修國史見明宗本紀

張希崇華嶽題名

題名四行字數不等  
正書左行在華嶽廟

張希崇下闕春歸闕時清

泰二年歲次乙未十月二十

三日固謁

清廟乃畱是題

按是題在崔伯恭題名之右首行張希崇以下殘  
闕舊史希崇傳云希崇少通左氏春秋復癖於吟  
咏天祐中依劉守光爲裨將後隸周德威麾下守

平州爲案巴堅所略詢希崇知爲儒人因授元帥  
府判官後遷盧龍軍行軍司馬繼改蕃漢都提舉  
使天成初爲平州節度使尋以管內生口二萬餘  
南歸唐明宗嘉之授汝州防禦使歷二年遷靈州  
兩使畱後告諭邊土廣務屯田歲餘軍食大濟璽  
書褒之因正授旄節清泰中希崇歿其雜俗頻表  
請覲詔許之云云此刻稱歸闕時清泰二年十月  
固謁清廟乃畱是題必由靈州歸闕時所題也

贈張繼祚勅

碑高五尺八寸廣三尺六寸  
九行行九字行書在偃師縣

勅張繼祚朕以故齊王早推德望備著勲庸久綏河洛  
之人再造閭閻之地遍兼近鎮咸播休聲存旣誓於山  
河沒宜刊於金石今差翰林待詔張璠宣賜神道碑銘  
便令書石故茲示諭想宜知悉春暄次口口否

按碑石舊有拓本近埋淤土中始命役夫出之已斷  
爲二矣全義守河南三十年史稱其披荆棘勸耕殖  
躬載酒食勞民畎畝之間築南北二城以居之數年  
人物完盛民甚賴之今勅所云久綏河洛再造閭閻  
信非誣也勅以賜全義子繼祚益宣示神道碑銘而  
通志遂以碑額卽爲繼祚故具錄以正訛

德師金石  
遺文記